



Minister Dowers ta clarifica critica cu ex prome minister a publica relaciona cu situacion den Utilities Aruba N.V.



Pagina 2

- **Tratamento di caso di apelacion di de Meza contra OM posponi**

Pagina 3

- **Vacuna contra Keintura Geel ta recomenda pa cierto destinacionnan**

Pagina 7

- **Prome website di salud sexual na Papiamentu**

Pagina 8

E buskeda di yate Energy y e 4 piscadornan te ainda ta andando na Colombia



Pagina 4

Ex presidente Colombiano Uribe haya culpabel den un huicio pa soborno



Pagina 11

Reino Uni lo reconoce estado Palestino si Israel no acorda na alto al fuego



Pagina 24



Win and
EXPLORE
The World
JULY 1st - AUGUST 30th, 2025
\$50,000 IN TOTAL PRIZES
DRAWINGS EVERY SATURDAY STARTING AT 9:30PM

THE CASINO AT
THE RITZ-CARLTON
ARUBA

Minister Dowers ta clarifica critica cu ex prome minister a publica relaciona cu situacion den Utilities Aruba N.V.

Den un entrevista cu Bon Dia Aruba, Minister di Husticia, Integracion y Transporte Publico, Arthur Dowers a reacciona, y a clarifica critica cu actual parlamentario y ex prome minister Evelyn Wever-Croes a publica recientemente relaciona cu e topico di Utilities Aruba NV, mas especificamente tocante interes extra cu gobierno lo mester paga pa motibo di cambionan realisa den e Hunta di Comisario di Utilities Aruba NV.

Parlamentario y lider di fraccion MEP, Evelyn Wever-Croes a publica recientemente riba su pagina di Facebook cu ministernan Arthur Dowers y Rene Herde ta causa un gasto adicional di mas di cinco milyon florin na extra interes na Utilities Aruba N.V., WEB Aruba N.V. y N.V. ELMAR.

Den su publicacion e ex mandatario ta remarca cu “fraccion di MEP ya tene Arthur Dowers y Baba Herde personalmente responsabel pa e interes adicional” cu e companianan di utilidad lo mester paga como resultado di cambionan implementa den e Hunta di Comisario di e companianan aki.

Reaccionando riba e publicacion aki minister Dowers a splica cu tin diferente condicion stipula den e reglanan pa loke ta financiamiento di e organisacionnan aki. Ademá el a remarca cu parlamentario Evelyn Wever-Croes ta hopi bon informa di loke ta sucede den e compania aki pasobra “ta hendenan cu ta hopi liga na dje mes ta esunnan cu ta bay purba mira si nan por saca placa extra for di organisacionnan cu tin un meta pa duna servicio na publico.”

E mandatario a indica cu ta spera cu e situacion no mester yega asina leu pasobra en berdad ta Gabinete Wever-Croes mes a stipula e condicionnan ora di financia y aworaki tin diferente investigacion ta tumando luga den e companianan di utilidad pa mira si loke e gobierno anterior a haci tabata cu un interes general y no un interes pa un grupo specifico.

“Mi ta tende el a bisa cu e kier tene ami responsabel, pero



mester mira si loke nan a haci ultimo añanan door di nombra nan famia, amigonan, mitar di partijraad di MEP den e organisacionnan aki, si nan a traha na interes di e comunidad, si nan a haci tur loke ta posibel pa percura e miho condicionnan a ser garantisa pa e financiamiento cu nos ta haya y si e interes di e pueblo y di e organisacion aki tabata para central of si e interes di cierto grupo tabata para central pa nan por gana mas tanto placa posibel,” Minister Dowers a subraya.

El a enfatisa cu na e momentonan aki e no ta bay duna un splicacion mucho amplio, pero segun cu investigacion tuma luga pueblo lo ser informa di e resultadonan di esaki.

E mandatario a agrega cu e ta haya ta lamentabel ora e mira loke e parlamentario Wever-Croes, anteriormente prome minister, a haci y a permiti cu a ser haci den e companianan di utilidad.

El a splica cu tin diferente estudio cu a ser realisa y di e estudionan aki por mira cu, por ehempel den e compania estatal N.V. ELMAR, na momento cu tabatin un director cu a realisa su investigacion a constata cu tabatin cierto actonan cu no tabata corecto den e organisacion. E mandatario a sigui splica cu na luga di atende cu e hendenan cu ta comete actonan incorrecto, e gobierno anterior a core cu e director y nombra amigo y famianan cerca y sostenedornan pa nan por a sigui haci loke nan a haci.

Minister Dowers a remarca cu loke a pasa den e companianan estatal aki ta “cosnan masha mahos” y segun tempo pasa cu Gabinete AVP-FUTURO detaya tur e cosnan cu a sucede a traves di investigacion, pa muestra pueblo e resultado di esakinan. El a agrega cu e gobierno anterior ta pretende cu aworaki bou di e capa di good corporate governance cu e gobierno actual mester laga e hendenan cu t’ey den e Hunta di Comisario “keda pa semper den e luga nan ey pasobra no mag di mishu cu nan pa politica.”

“Si bo ta un hende cu tin un tiki consenshi bo ta bin bisa mi cu ami ta nombra mi hende politico un caminda anto sin cu e ta cumpli cu niun di e rekisitonan y ora cu nos bisa

cu nos kier mira hende profesional den e organisacion cu si ta cumpli cu e rekisitonan di good corporate governance ta bin usa e reglanan di good corporate governance pa defende e maldad cu a ser haci. Mi ta hopi decepciona den e señora aki. E ta un hende cu tin conocemento. E señora aki ta un hende cu a bay scol, cu a siña cierto cosnan y mi ta bisa si bo tin consenshi bo no ta haci e cosnan aki. Pero pueblo lo tin cu husga na dado momento cu e informacionnan aki sali mas amplio,” el a finalisa.

Relaciona cu e topico aki recientemente parlamentario Xiomara Maduro (MEP), a manda pregunta na minister di Finanzas, Geoffrey Wever (Futuro) tocante posible mal

maneho den e companianan di utilidad: WEB, ELMAR y Utilities NV.

Segun e parlamentario a bisa den un comunicado di prensa, e 11 pregunta haci ta trata e cambio di comisaronan cu ta tumando luga na e companianan di utilidad, sin cu ta cumpli cu e reglanan di “good corporate governance.”

Maduro a expresa preocupacion pasobra ta haci nombramento sin aprobacion previo di lenders, kendenan ta institutonan financiero cu ta presta e companianan di utilidad placa, y cu segun contract, mester aproba tur comisario prome cu nan por cuminsa asumi nan funcion.

Den su carta, parlamentario Maduro a expresa preocupacion cu e situacion por tin consecuencia financiero serio, incluyendo un posible “default tecnico” cu por pone den riesgo e capacidad di e companianan di utilidad pa sigui inverti den infraestructura vital, manera energia sostenible y expansion di e red di coriente.

Un di e preguntanan ta cuestiona e rol di Minister di Finanzas den e proceso di nombramento di comisario, y ta cuestiona e motibo cu e mandatario ta scoge pa tuma vakantie net den un periodo cu tanto riesgo financiero ta loer na e companianan di utilidad.



Barco ARC Gloria di Marina Colombiano lo yega Aruba den fin di siman

Ayera mainta durante un conferencia di prensa Consul di Colombia na Aruba, Sr. Gustavo Serrano Amaya a anuncia cu e weekend aki e Barco ARC Gloria di e Marina Colombiano, cu a bishita diferente waf rond mundo, lo yega na e waf turistico di Aruba.

Consul Serrano Amaya a splica cu e barco lo yega diadomingo awor, dia 3 di augustus pa mas o menos 8'or di mainta na e waf turistico di Aruba. Durante e estadia di e barco na Aruba, cu lo ta desde diadomingo 3 di augustus te diaranson 6 di augustus lo tin

diferente actividad abordo.

El a sigui splica cu lo tin algun tayer, charla y dia 3 di augustus na yegada di ARC Gloria lo tin un ceremonia protocolario cu lo conta cu presencia di Gobernador di Aruba SE Alfonso Boekhoudt, prome minister Mike Eman, varios minister, parlamentario y cuerpo consular di Aruba, y otro mandatarionan.

E ceremonia protocolario aki tambe lo ser presidi pa e embahadora Colombiano di Rino Hulandes, Dr. Carolina Olarte Bacares, kende lo yega Aruba diasabra.

“Nos kier extende e invitacion aki na henter pueblo di Aruba y na nos conciudadanonan pa bin bishita. Riba e dia di e ceremonia formal, entrada na e waf lo ser permiti. Manera mi a menciona, e publico lo ser permiti pa bishita dia 3, riba dialuna, y riba diaranson, te ora e barco sali merdia, cu e lo sali pa su siguiente destinacion. Esaki ta un gran oportunidad pa explora e diferente skinanan di e barco, su varios camber, y siña di Colombia su historia maritimo y cultural,” e Consul a remarca.

Consul Serrano Amaya a indica cu e Consulado di Co-



lombia tabata den contacto caba cu e varios fundacion y asociacion, no solamente di nan compatriotanan Colombiano, pero tambe di e pueblo Arubano y algun di e fundacionnan aki lo ta participante na e varios evento cu nos lo ta tumando luga riba e barco. El a splica cu lo tin presentacion di bailenan cultural, agrupacion musical, tayer y charlanan, un evento gastronomico y un evento pa empresario.

El a agrega cu ademas ta bay tin tambe oportunidad pa dialoga cu comerciantenan y algun autoridad di e isla dialuna merdia y anochi lo tin un conferencia cu lo conta cu

mas o menos 200 persona di e sector di comercio, salubridad, di gobierno y tambe personanan cu ta forma parti di diferente area y organizacion di e pueblo Arubano

Consul Serrano Amaya a enfatisa cu ta importante pa tuma nota cu lo no permiti bishita na e barco riba diars, pa motibo cu dos barco crucero hopi grandi lo ta yegando e dia ey, y autoridadnan di APA no kier e interaccion aki entre turista y hendenan cu lo kier bishita e barco pa motibonan di seguridad.

Tratamento di caso di apelacion di de Meza contra OM posponi

Ayera tardi mester a tuma luga e tratamento di e caso di apelacion cu parlamentario di fraccion AVP y candidato pa minister Mike de Meza a entama contra Ministerio Publico. Dialuna anochi informacion a sali na cla den cual ta indica cu e caso a ser posponi pa motibo di problema tecnico den corte.

Segun informacion publica den un medio di comunicacion local, abogado di de Meza, Sra. Desiree Croes, a indica cu dialuna anochi el a ricibi un notificacion informando cu e tratamento di e caso di apelacion di su cliente a keda posponi te proximo aviso pa motibo di problema tecnico den corte.

Manera ta conoci e trayecto di proceso di screening di candidato pa minister Mike de Meza a ser alarga pa moti-

bo di diferente contratiempo cu a pone un impasse den e nominacion di de Meza, cual ainda e candidato pa minister y su ekipo legal ta luchando pa resolve.

Dia 17 di juli ultimo hues a entrega su decision relaciona cu peticionnan cu de Meza a entrega na Corte den Prome Instancia. E peticion di e ex-minister, ken actualmente ta den nominacion pa bira minister den e gabinete nobo di AVP-FUTURO, ta pidi pa clarificacion tocante e tipo y e motibo di e acusacionnan cu Ministerio Publico (OM) tin contra dje. Ademas, de Meza a pidi OM pa tuma un decision si ta persigue of no prome cu 15 di augustus 2025.

Den su decision hues a splica cu OM a cumpli cu e decision di Corte di 25 di juni 2025, door di informa Mike de Meza riba e mesun dia

ey cu e ta sospechoso den un investigacion cu tin andando y a pon'e na haltura di e articulo den ley riba cual e sospecho contra dje ta basa. Tambe hues a rechasa e peticion pa OM duna contesta prome cu 15 di augustus tocante un posible persecucion. Segun hues, e peticion aki ta di considera prematuro.

E tratamento di e caso di apelacion ta enfoca riba e dos puntonan primordial cu de Meza ya a presenta den corte. Primeramente de Meza y su ekipo legal ta pidi pa OM informa exactamente kico ta e acusacion(nan) cu tin contra de Meza, y no simplemente e articulo den ley pa cual e ta sospechoso. E otro punto den e caso di apelacion ta cu de Meza y su ekipo ta pidi pa duna un fecha pa dicidi si tin suficiente prueba pa persigue.

E hues cu a rechasa e peti-



cionnan mas recien di de Meza ta mesun hues cu a tuma decision prome biaha, pues segun abogado Croes tabata logico cu e hues lo no a cambia su decision. Aworaki den e tratamento di caso di apelacion tin tres diferente hues cu lo evalua si e decision di e hues den prome instancia tabata corecto of si den caso cu nan ta evalua cu e decision no tabata corecto, pues lo por bay over pa cambia e deci-

sion aki.

Mientras tanto gobierno a nombra Sr. Gervais “Baba” Rene Herdê como minister temporal cu lo tuma cartera di Infraestructura, Energia y Telecomunicacion—originalmente reserva pa de Meza. Prome cu e nombramento di Herdê, dr. mr. Arthur Dowers tabata encarga cu e carteranan aki.

Segun vocero di Kustwacht:

E buskeda di yate Energy y e 4 piscador te ainda ta andando na Colombia

Algun dia atras a tuma nota riba varios medio local y di Reino cu a cuminsa circula e noticia cu e buskeda di e yate Energy y e 4 piscador abordo a keda oficialmente clausura, despues di 15 dia cu a pasa e buskeda oficialmente na man di Colombia.

Desaparicion

Recordando algun di e detayenan di e caso, ta trata di e desaparicion cu a reporta dia 12 di juli, unda e yate yama "Energy" a perde den lama. Durante e dianan cu a sigui despues di esaki, e buskeda di Wardacosta di Aruba y partnernan internacional a tuma lugar, y minister di Husticia mr. drs. Arthur Dowers a duna un declaracion na prensa unda a sigura e comunidad cu tabata haciendo tur esfuerso posible pa yega na e piscadonan.

E tempo aya gobierno a publica un comunicado unda a informa cu Kustwacht tabata haciendo tur su esfuerso y a haci uso di modelonan computarisa maritimo manera coriente di lama, direccion y forza di biento pa haci calculacion di mas o menos den cual area e boto por tabata, sinembargo e esfuersonan aki tabata en vano. Mientras tanto, no por a descarta cu e yate a sali for di e awanan teritorial di Aruba, pa cual a tuma contacto cu autoridadnan Colombiano pa brinda sosten den e buskeda.

Premier Mike Eman tabata duna actualisacion frecuente na prensa local tocante e caso, unda entre otro for di Mariniers Kazerne el a informa prensa local cu tabatin reunionnan "basta largo" cu tanto miembronan di Kust-



wacht y famia di e desaparecidonan, unda Kustwacht tabata duna un resumen di tur e investigacion cu tabata andando. Segun Eman a declara e tempo aya, tur e aparatonan di Kustwacht tabata bao uso, y tabata haciendo buskeda pa varios ora cu avion y helicop-ter entre otro.

Hefe Kustwacht, Capitan Mark Solognier, a bisa tambe e tempo aya cu tabata buscando den un area "basta leu" cu e avion. "Nos no ta give up. Nos ta sigui busca te unda cu por," e capitan a declara. El a agrega tambe cu tabatin "un bon contacto cu Venezuela y Colombia tambe" den e parti di Search and Rescue. Un noticia cu a hala hopi atencion na Aruba e tempo aya tabata di canal 10 di Nicaragua, unda a reporta cu un barco "tipo panga cu cuatro

tripulante a naufraga diamars ultimo" den Caribe Sur. E nabegantenan a keda rescata pa otro barco y transporta pa tera firme. Soldadnan di Distrito Naval Caribe a recupera e barco pero a perde e motor. Segun e noticiero, a nota cu e identidad di e tripulantenan y nan destino na e momento di e naufragio no tabata conoci, cual a lanta speransa den comunidad local cu por a trata di e piscadornan di Aruba. Sinembargo, e noticia aki na final no a keda vincula na e desaparicion di e cuatro piscador Arubiano.

E buskeda a sigui y te hasta expande internacionalmente, pero lamentablemente esaki no a duna resultado. Den un di su actualisacionnan prome minister Eman a informa cu te hasta avion di Kustwacht tabata bulando riba area hopi

grandi na e costa di Colombia y a informa cu contacto tabata andando cu Kustwacht tocante e siguiente pasonan cu lo tuma. Den e pasonan aki a papia tocante e posibilidad cu Colombia lo hunga un rol "hopi mas intensivo" den caso cu e buskeda no duna resultado.

Mirando cu esaki tabata e caso, Kustwacht a reuni hunto cu famia di e cuatro piscado cu a perde riba lama y a informa cu lo pasa e caso over na Wardacosta Colombiano, mirando cu e area di e buskeda a drenta completamente den nan area di responsabilidad. Segun Kustwacht a informa, wardacosta di Caribe Hulandes a pasa e caso over na Wardacosta Colombiano, mirando cu e area di buskeda a drenta completamente den nan area di responsabilidad, aunke a enfatisa cu lo sigui cu un bista skerpi durante di nan patruyahe.

Den un conferencia di prensa cu a tuma lugar, prome minister Mike Eman a bisa cu durante un reunion virtual cu e operacion di wardacosta y Forsa Arma di Colombia, a papia tocante e traspaso aki. Consul di Colombia, Gustavo Serrano Amaya, a bisa cu for di prome momento cu premier Eman a inform'e di e suceso, el a tuma contacto cu Armada di Colombia, particularmente cu Centro di Operacion di Cartagena y Bogota, pa por yuda den co-

ordinacion di buskeda.

Alrededor di 15 dia despues di e traspaso aki, tanto medianan local como internacional a cuminsa reporta cu a oficialmente clausura e buskeda di e yate aki, sinembargo esaki a genera confusion y tabatin indicacion cu esaki no ta e caso. E confusion aki surgi posiblemente pa motibo cu a informa cu e buskeda a ser para localmente na Aruba, sinembargo esaki no ta representa e situacion pa e buskeda cu ta andando internacionalmente te ainda, esta den man di Colombia. Usuarionan riba rednan social a expresa confusion y a comenta cu esaki no ta cuadra cu e realidad y cu e buskeda di parti di autoridadnan internacional te ainda ta andando, cu familiar di e piscadornan involucra tambe confirmando esaki, bisando cu te ainda no a stop cu e buskeda.

A raiz di tur e confusion cu ta surgiendo, Bon Dia Aruba a acerca Kustwacht directamente pa haci pregunta tocante e caso aki y asina trece claridad for di fuente oficial. Nos a tuma contacto cu e vocero di Kustwacht Sr. Miguel Gonzalez Perret-Gentil, y el a confirma cu "te ainda Colombia ta buscando. Wardacosta di Colombia ta bezig cu e buskeda" y a informa cu te ainda no tin informacion concreto tocante con e buskeda na Colombia ta bayendo.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart-Boekhoudt

Redaccion

noticia@bondia.com

Pilar Flores (hefe di redaccion)
Angenette Figueero (closer editor)

Leo Maduro
Dilma Arends
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800

Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.



Nos binidero mundo di abundancia (danki na AI)

Nos civilisacion a bay door di varios “revolucionnan” den historia. Pensa di e revolucion agrario, e invencion di e stoommachine, electricidad moderno y comunicacion via internet. Cada un di e revolucionnan aki, a hisa calidad di bida pa humanidad, despues di un periodo di adaptacion. Awo e revolucion di Inteligencia Artificial den e binidero dos decada, lo bay ta uno cu lo pone e revolucionnan tecnologico di antes parce enano, den su impacto riba tur aspecto di civilisacion.

Tambe nos por compronde si, cu varios parti di sociedad tambe lo tin su miedo pa cu e cambianan radical cu esaki lo trece cune. En berdad ora papia over e hecho cu tur “AI industry insider” sa, por ehempel cu tur cupo di trabao por wordo automatiza op den duur, unda prijs di casi tur cos lo baha den un manera grandi. Ta full e fundeshi di cultura humano cu ta basa riba “scarsedad relativo” y “competencia relativo”, ta wordo cambia fundamentalmente.

Den e columna aki, ta bay duna ehempelnan di voorproeven hopi duidelijk di e futuro briyante cu AI ta bay trece pa Humanidad.

Vacuna di cancer cu AI


Cancer ta un di e malesanan cu ta causa sufrimento humano inmenso. Den un publicacion den nada menos cu revista “Science”, cientificonan di Technical University of Denmark a traha un sistema di AI cu por traha proteina cu por wordo usa pa construi T-cellen contra cancer den un manera ultra-



personalisa den menos cu 6 siman. (De novo-designed pMHC binders facilitate T cell-mediated cytotoxicity toward cancer cells. Science, 2025; 389 (6758): 380 DOI: 10.1126/science.adv0422). Esaki ta trece e soño di un vacuna pa cancer hopi mas cerca di realidad. Den futuro si wordo diagnostica cu cancer, lo gewoon tuma un poco sanger, traha proteina pa e T-cellen personalisa y despues di 6 siman haya un hangua cu e T-cellen aki, cu lo ataca un pacient su cancer den un manera ultra-personalisa.

Material di construccion “sci-fi” cu AI

Concret ta e material di construccion mas usa pa edificio y cas na mundo, y ta responsabel pa 8% di emision di CO2 mundial. Awo cientificonan na University of Southern California a traha un modelo di simulacion di AI yama “Allegro-FM” cu nan a test riba e Aurora supercomputer na Argonne National Laboratory. E modelo aki por simula biyones di atoom na mesun momento, cu ta 1.000 biaha mas hopi cu modelonan anterior. (Allegro-FM: Toward an Equivariant Foundation Model for Exascale Molecular Dynamics Simulations.



The Journal of Physical Chemistry Letters, 2025; 16 (25): 6637 DOI: 10.1021/acs.jpcllett.5c00605)

Usando e modelo Allegro-FM e cientificonan a diseña concret cu propiedadnan interesante. E concret aki por “cura” su mesun scheer, lo ta 10x biaha mas duradero cu concret gewoon y finalmente por wordo traha 100% CO2-neutral.

Verf Passive Cooling

Pa awo lectornan di e delaster añanan di mi columna lo sa cu mi ta un fan grandi di verf dak blanco cu anti-UV verf. Awo danki na científico di Nanyang Technological University, Singapore a tuma un stap hopi mas grandi den esaki. Den nan experimentonan a designa un verf “passive cooling” cu nan a yama CCP-30. E verf aki ta literalmente 10 biaha mas eficiente cu verfnan blanco anti-solar pa tene un edificio fresco. E publicacion di esaki tambe a sali den nada menos cu “Science”. (Jipeng Fei et al, Passive cooling paint enabled by rational design of thermal-optical and



mass transfer properties, Science (2025). DOI: 10.1126/science.adt3372)

Segun nan modelonan e verf aki riba su mes por spaar 30 pa 40% riba gasto di coriente pa tene un ruimte fresco.

Panel solar di 34% eficiencia

En fin, nos a wak un record nobo luna anterior den dual-tandem Perovskite-Silicon solar cel, danki na compania Chines, Longi. European Solar Test Installation (ESTI) a confirma Longi’s su record mundial den rating di eficiencia di 34.6%. Awo pa figura un cel solar na Aruba tin un eficiencia di 22%. Dus letterlijk casi 50% mas eficiente. (<https://www.pv-magazine.com/2024/06/14/longi-claims-34-6-efficiency-for-perovskite-silicon-tandem-solar-cell/>)

Nos ta den e prome “inning” di e revolucion di AI:

E punto cardinal di articulo aki, ta pa musta e futuro briyante cu AI ta yudando nos no solamente visualisa, pero tambe trece mas y mas cerca di realidad. Naturalmente lo tin un cantidad di skepticismo den tur esaki. Pero tur e cosnan menciona ta posibel na 2025 CABA, awo imagina aki 10 of 20 aña, tumando den consideracion AI cu ta dobel den potencia cada 7 luna.

Op den duur, si e revolucion tecnologico aki wordo maneha bon, e lo eleva e calidad di bida pa full mundo den un manera casi inimaginabel pa un lector anno 2025.

RAIZ cu vision nobo, liderazgo fuerte y un direccion strategico renoba

Pafo di Parlamento, RAIZ ta cla pa ta e bos di e mas di 10,000 votadonan cu awe no tin representacion den Parlamento di Aruba

Despues di un periodo di reflexion cu proposito, despues di eleccion na 2024, RAIZ ta orguyoso di por anuncia su regreso den e panorama politico di Aruba, respalda pa un vision nobo, liderazgo fuerte y un direccion strategico cu ta posiciona e partido pa logra impacto a largo plaso.

Den e ultimo 6 lunanan despues di eleccion, RAIZ a scoge un caminda di reflexion, no pa retira, sino pa tuma e responsabilidad di reevalua, reorganisa, y fortalece su vision pa e futuro di e partido pa por sirbi Aruba. E siman aki, durante e prome reunion di miembro (algemene ledenvergadering), RAIZ a drenta su capitulo nobo, transforma di un plataforma, pa un partido cu un mision y estructura fuerte.

Liderazgo Renoba, Raiznan mas Fuerte

Rondona pa miembronan di RAIZ, unanimamente a apunta Sr. Anthony Martina como Presidente nobo di e Hunta di Directiva di RAIZ, sucesor di Sr. Jeffrey Matos kende a sirbi como Presidente di 2022 te cu 2025 y cu awo ta muda pa Hulanda. Partido RAIZ kier extende un danki di curason na Sr. Jeffrey Matos pa su dedicacion, compromiso y pasion den e ultimo añanan. Tambe unanimamente a instala e directiva nobo kende hunto cu Sr. Martina y lo dirigi RAIZ den su proximo capitulo.

Na mes momento, RAIZ ta

confirma e reeleccion di Sr. Ursell Arends como lider politico di RAIZ. Cu un reputacion fuerte di lidera cu integridad berdadero y innovacion durante su tempo den gobierno, Arends ta orguyoso di e logronan cu a cumpli cune cu awe ta sirbi como fundeshi pa otro sigui traha riba dje. Decisionnan dificil, pero cu bienestar di Aruba semper na pecho.

Esakinan ta entre otro y no limita na;

- Cera dump di Parkietenbos despues cu pa mas di 70 aña a impacta e salud di e bario y su hendenan.
- Lansa campaña nacional di 'Limpi Limpi' cu e programa 'Baki den Bario' cu a wordo organisa 23 biaha den 2023 y 2024. Esaki a wordo amplifica cu e Dia Nacional di Limpieza 'Mi Bario Limpi' cu mas di 1,000 boluntario.
- A introduci plan pa inclui mercado local organisa den e proyecto di Revitalizacion di San Nicolas pa benta y promocion di producto local
- A introduci proyecto di 'Hardin di Alimentacion' na 13 scol y diferente Centro di Bario cu awe ta disfruta di nan cosecha local. Esaki tambe a contribui na e produccion local cu a subi cu 400%.
- Prome biaha cu Aruba a conoce un Ministerio di Asuntonan di Adulto Mayor unda cu e instala un Comisie Ouderenzorg y a introduci proyecto Pasadia cu awo tin 4 habri na Aruba.
- Despues di años di mal maneho a introduci oportunidad igual pa otor-

gamento di vergunning pa transporte publico.

- Cu un clima financiero hopi fragil a logra rescata Serlimar for di bancarota.
- Introduccion di www.publico.aw pa garantisar acceso y transparencia activo na trabou di gobernacion pa comunidad di Aruba.
- A propone Ley di Corporate Governance y tambe un Corporate Governance Code.
- Prome biaha cu Aruba a conoce un Ministerio di Naturalesa unda cu a introduci e concepto di ley di Derecho di Naturalesa y a introduci National Biodiversity Strategic Action Plan (NBSAP).
- A desaroya y introduci pa prome biaha un on-theffingsbeleid y a establece National Climate Resilience Council (NCRC).
- A haci inversionnan grandi pa construccion di un centro nobo pa bienestar di animal na Kibaima cu pronto lo habri su portanan.

Y ainda falta. Sr. Arends ta cla pa sigui fortifica RAIZ y guia e partido den e proximo era di crecimiento y logronan pa cosecha un pais unda cu ta reina abundancia y prosperidad real den su hendenan. E ta comprometi na hiba un gobernacion cu di berdad ta transparente y traha riba mas proyectonan cu ta beneficia nos comunidad a termino largo.

"Mi ta comprometi na Aruba," ta comenta Sr. Ursell Arends, Lider, Partido RAIZ. "Ora un comunidad ta bini



hunto y cera cabes pa logra un mihor bienestar pa su pais, e retonan ta bira posibilidadnan nobo y speransa ta nace bek."

Arends ta sigui comenta, "RAIZ ta keda para pa su principionan y cu nos direccion strategico nobo nos no ta solamente fortalece nos compromiso na Aruba, pero tambe tuma un paso fuerte dilanti pa traha pa un futuro unda cu politica ta sirbi su hendenan cu integridad y transparencia – dos compromiso cu hopi ta papia di dje, pero tiki di berdad sa con pa hib'e."

"Mi a bin ta observa cu desde cu RAIZ a wordo funda, tawata cla cu no a funda pa solamente sostene algun ciclo di eleccion sino, RAIZ a wordo funda pa transforma con politica ta wordo hiba na Aruba", ta comenta Sr. Anthony Martina, Presidente, Partido RAIZ.

Plan Strategico - Fortaleciendo 2025 – 2028
Despues di lunanan di tra-

bou profundo cu Hunta di Directiva, candidatonan y boluntarionan, RAIZ ta cla cu su plan strategico - Fortaleciendo. Un plan di proyectonan pa reforma RAIZ di un plataforma pa un partido, y tambe reconecta e partido cu e pueblo di Aruba.

Durante e proximo simanman, RAIZ lo anuncia su serie nobo di diferente actividadnan pa conecta y combersa cu comunidad, Academia di Bon Gobernacion, Sunset Talks y Cunucu Café, cu ta oportunidadnan pa por scucha, colabora, y crea cu e comunidad di Aruba.

Cu e transformacion aki, RAIZ ta surpasa e ciclo electoral y ta tuma su rol a largo plaso como un forsa politico cu bista riba futuro y guia pa nos balornan.

"Nos no ta simplemente bolbe. Nos ta bolbe mas fuerte, mas sabi y conecta cu e pueblo manera nunca prome," ta comenta Sr. Ursell Arends, Lider, Partido RAIZ.

CBS: Bestaansminimum pa juni ta representa un deficit di entrada di Afl. 638

Recientemente, Oficina Central di Estadistica (CBS), a publica e Indice di Prijs di Consumo pa luna di juni 2025. Den esaki, a nota cu e bestaansminimum mensual pa un hogar ta representa un deficit di entrada di Afl. 638.

E bestaansminimum ta e nivel minimo di entrada cual ta wordo percibi cu ta necesario pa logra mantene un nivel di bida adecuado den un cierto pais. Usualmente e bestaansminimum ta wordo determina door di calcula e gasto di tur e recursonan esencial cu un adulto ta consumi den un luna of aña.

Generalmente esaki ta wordo yama un indice basico di necesidad, y e ta

varia segun e prijs di cuminda, paña, vivienda, transporte y otro articulonnan den e "canasta".

Escalanan di ekivalencia ta wordo usa pa ahusta e nivel minimo di entrada percibi pa hogarnan di diferente tamaño y composicion. E escala ta asigna un peso di 1.0 pa e prome adulto y 0.5 pa cada adulto adicional den e hogar (edad 16+) y un peso di 0.3 pa cada mucha (edad 0- 15 aña).

E bestaansminimum ta basa riba cifranan di e rapport "Bestaansminimum 2010" y ta wordo actualisa mensualmente pa cu inflacion usando e CPI mensual.

E unidad di referencia den e rapport

aki ta di un hogar cu ta consisti di dos (2) adulto y dos (2) mucha (edad 0-15 aña). Na Juni 2025 e bestaansminimum mensual pa un hogar cu ta consisti di dos (2) adulto y dos (2) mucha (edad 0-15 aña) (Afl. 5,509) ta muestra un subida di Afl. 36 compara cu Juni 2024 (Afl. 5,473) y a wordo causa principalmente door di subidanan di Afl. 18 y Afl. 11 den e sectornan di "Cuminda y bebida no-alcoholico" y "Vivienda". E caida mas grandi na Juni 2025 a wordo registra den e sector di "Transporte" (Afl. -10).

Na Juni 2025 e bestaansminimum mensual pa un hogar cu ta consisti di un solo adulto ta Afl. 2,624, cual ta representa un deficit di entrada di Afl 638, un subida di Afl. 18 compara cu e

deficit observa un aña pasa (Afl. 620). E deficit aki ta e di dos mas halto registra den un periodo di seis (6) aña pa luna di Juni.

Sector	Jun 24	Jun 25	Cambio Absolutu
Cuminda y bebida no-alcoholico	2,286	2,304	18
Paña y sapato	237	246	9
Vivienda	1,649	1,660	11
Mobiliaria	111	116	5
Salud	83	86	3
Transporte	331	321	-10
Comunicacion	171	174	3
Recreacion y cultura	158	155	-3
Educacion	97	97	0
Restante bienes y servicio	349	351	2
Total	5,473	5,509	36

Source: Central Bureau of Statistics Aruba

Sarepta lo resumi cu cargamento di terapia genetico despues cu FDA ta evalua morto recien di pashent

(AP)—Balor di accion di e fabrica Sarepta Therapeutics a aumenta den comercio dialuna despues cu e compania a bisa e lo resumi cargamento di su terapia di gene pa algun

pashent, siguiendo un pausa breve pidi pa reguladornan.

E Administracion di Alimentacion y Medicina (FDA) a bisa cu el a recomenda relaha

e atrasa pa pashentnan hoben cu distrofia muscular di Duchenne ken ainda por cana. Reguladornan a pidi pa e pausa despues di e morto di dos adolescente cu tabata tumando e terapia. FDA tambe a bisa den un declaracion cu el a determina cu un morto recien di un mucha di ocho aña di edad no tabata relaciona cu e terapia.



Accion di e compania a aumenta mas cu 16 porciento despues di e anuncio pa 13,86 dollar den comercio. E aumento ta e esun mas recien den un serie di movimiento drastico den bono causa pa cambio den fortuna pa e producto mas bendi di e compania.

Elevidys ta e prome terapia di gene aproba den Merca pa distrofia muscular di Duchenne, e malesa fatal cu ta gasta musculo y ta afecta hende homber, resultando den un morto trempan. El a ricibi un aprobacion acelera na 2023 pa varios pashent hoben y a mira expansion aña pasa pa uso den pashentnan

mas bieu, incluyendo esnan cu no por cana mas.

E decision di FDA dialuna “ta mehora e benta di Elevidys den termino corto,” analista di Jefferies Andrew Tsai a conta inversornan, den un nota despues di e anuncio.

E terapia di Sarepta ta bao critica di reguladornan despues cu dos adolescente a muri na comienso di aña di herida emergente den higr, un efecto di e tratamiento. FDA a pidi e ora un pausa den cargamento di e medic-

ina despues di e morto di un tercer pashent tumando un otro terapia di Sarepta.

Oficialnan di FDA a sugeri cu e compania lo mester provee dato di estudio nobo riba seguridad pa resumi uso di Elevidys den pashentnan mas bieu.

“FDA lo sigui traha cu e sponsor pa loke ta trata pashentnan no-ambulatorio, cual ta keda suheto na un pausa boluntario, despues cu a mira dos morto,” FDA a bisa den un declaracion.

Proteha bo salud prome cu bo bay di biahe: Vacuna contra Keintura Geel ta recomenda pa cierto destinacionnan

Departamento di Salud Publico ta recorda tur residente di Aruba cu tin plan pa bay di biahe pa tuma e medidanan di salud necesario prome cu nan sali. No ta importa e motibo di bo biahe sea pa vakantie, estudio, tratamiento medico, negoshi of aventura bo salud mester ta proteha durante bo estadia pafu di Aruba te ora bo regresa.

Na esnan cu ta bay cierto paisnan den Caribe, Sur America, Centro America of Africa, ta fuertemente recomienda pa nan busca e vacuna contra Keintura Geel. E vacuna aki ta un dosis cu ta valido pa bida largo, pero mester wordo ricibi no menos cu 10 dia prome cu biaha.

Paisnan di riesgo:
Caribe: Trinidad y Tobago
Sur America y Centro America: Argentina, Bolivia, Perú, Ecuador, Colombia, Brasil, Venezuela, Paraguay, Panama, Guayana Frances, Guayana, Surinam
Africa: Angola, Benín, Burkina Faso, Burundi, Camerún, República Centro Africana, Chad, Congo, Republica Democratica di Congo, Costa di Marfil, Guinea Ecuatorial, Etiopía, Gabón, Gambia, Ghana, Guinea, Guinea Bissau, Kenia, Liberia, Mali, Mauritania, Níger, Nigeria, Senegal, SierraLeone, Sudán del Sur, Sudán, Togo, Uganda.

Informacion importante:

- Tur biahero mester haya e vacuna si nan ta bay of ta keda mas cu 24 ora den un di e paisnan menciona ariba.
- Si bo a ricibi e vacuna den pasado y tin bo buki geel (prueba di vacuna), bo no mester haya e vacuna atrobe.
- Si bo no tin e buki geel pero a haya e vacuna na

Aruba, bo por haya un duplicado na balor di Afl. 10,-.

- E vacuna no ta recomienda pa mucha menor di 9 luna, adulto mayor di 60 aña of mas, muher na estado of cu deseo pa sali na estado den e siguiente lunanan, persona inmuun comprometi, of cu alergia fuerte na componen-

tenan di e vacuna (manera webo).

Unda y con pa haya e vacuna:

- Haci bo cita no menos cu 10 dia prome cu biaha door di yama 5224200
- Riba dia di bo cita, dirigi bo mes na Seccion di Malesanan Infeccioso, Avicennastraat #1 (patras di edificio principal di DVG).
- Trece bo identificacion valido.
- Costo di e vacuna ta Afl. 31,-, por paga solamente via swipe of transferencia online.

Cash of credi tcard no ta wordo acepta.

Pa mas informacion like nos Facebook page Directie Volksgezondheid DVG Aruba, Follow nos riba Instagram [directie_volksgesondheid_aruba](#), subi nos website [www.dvg.aw](#), yama nos na 5224200 of mail nos na [servicio@dvg.aw](#)



Council of Advice
Raad van Advies

VACATURE

De Raad van Advies nodigt kandidaten uit te solliciteren naar de functie van:

Juridisch Bestuursadviseur Raad van Advies

De Raad van Advies, een Hoog College van Staat, is het laatste adviesorgaan van de regering van Sint Maarten, met name voor wat betreft wetgeving. De Raad van Advies wordt onder meer gehoord over alle ontwerpen van landsverordeningen en van landsbesluiten, houdende algemene maatregelen, alsmede over voorstellen van rijkswetten en van algemene maatregelen van rijksbestuur.

Hoofdtaken:

De adviseur verricht wetenschappelijk onderzoek op juridisch en bestuurlijk werkveld. In de adviezen over ontwerpen van wet- en regelgeving wordt aandacht geschonken aan onder meer de kwaliteit van wet- en regelgeving. Hierbij wordt gekeken naar de beleidsmatige, juridische en wetstechnische aspecten.

Functie-eisen:

- Een afgeronde opleiding in de rechtswetenschappen op WO-niveau;
- Minstens drie jaar ervaring in een beleids-adviserende functie;
- Vaardigheid in het doen van onderzoek, het rapporteren van onderzoeksresultaten en het opstellen van adviezen;
- Affiniteit met wetgeving en kennis van de wetgevingstechniek;
- Inzicht in de bestuurlijke en maatschappelijke context van het functioneren van de Raad;
- Kennis van nationale en internationale regelgeving;
- Hoge graad van integriteit en discretie;
- Bezit van de Nederlandse nationaliteit.

Arbeidsvoorwaarden:

Het salaris bedraagt, afhankelijk van kennis en ervaring, minimaal XCG 8.232,00 en maximaal XCG 11.349,00 ofwel ca. €4.000 - €5.512 bruto per maand bij een 40-urige werkweek. De overige rechtspositionele regelingen voor het overheidspersoneel in dienst van het Land Sint Maarten, waaronder gedeeltelijke vergoeding van de kosten voor overtocht bij het woonachtig zijn in het buitenland, zijn van toepassing. Ook is er ruimte voor het volgen van relevante opleidingen en trainingen.

Gegadigden die denken te voldoen aan de functie-eisen kunnen hun sollicitatiebrief vergezeld van een curriculum vitae en fotokopieën van behaalde diploma's (incl. cijferlijsten) **uiterlijk 31 juli 2025** richten aan: De heer mr. J. I. Salomon, Secretaris Raad van Advies, E.C. Richardson Street # 13, Philipsburg Sint Maarten of via e-mail: [jsalomon@coasxm.com](#). Ook voor nadere informatie over de functie en het volledige functieprofiel kunt u contact opnemen met de heer mr. J. I. Salomon, telefoonnummer +1 (721) 542 0953. Een psychologische test en/of een opdracht kan/kunnen deel uitmaken van de selectieprocedure.

*Prome website di salud sexual na Papiamentu:***“Hobennan mester por haya informacion confiabel den nan propio idioma”**

(Curacao.nu) – **Hobennan na Corsou no sa unda pa bay cu preguntanan tocante sex, infeccionnan transmiti sexualmente (STI), of anticoncepcion. Ta p'esey CurLoveCare, e prome website di salud sexual na papiamentu, a ser crea especificamente pa hobennan di 11 aña bay ariba. “Nos kier pa hobennan por haya informacion honesto y cla sin berguensa of confusion,” Iralice Jansen, hefe di e departamento di control di Male-sanan contagioso na gobi-erno, ta bisa.**

E plataforma a ser crea den colaboracion cu hobennan mes y varios organisacion enfoca riba salud sexual, manera Cura+ y STD Aids Nederland. “Anteriormente, informacion online tabata principalmente disponibel na Hulandes, Ingles of Spaño,” Jansen ta bisa. “Pero hobennan na Corsou, mescos cu esnan na Aruba y Boneiro, merece un lugar cu nan ta identifica di berdad cune – den nan propio idioma y cultura.”

Hobennan ta hay'e mas facil pa papia tocante salud sexual cu nan mayornan ta pensa. E website a ser crea pa me-


dio di un colaboracion amplio entre gobierno, NGO's manera Cura+ y STD Aids Nederland, y un grupo di diesun hoben cu a contribui na e contenido. “Nos no tabata kier djis crea un website pa hobennan; e cos di mas importante ta cu el a ser crea cu y pa hobennan,” Jansen ta bisa. “Y kico a para? Hobennan ta hay'e mucho mas facil pa papia tocante sexualidad cu nos como mayor ta pensa. E topico ta menos sensitivo pa nan.”

E website ta contene informacion tocante bo curpa, STD, anticoncepcion, sexualidad, diversidad di genero, y haci eschohonan saludabel. Por ehempel, bishitantenan por haci profesionalnan pregunta directamente via WhatsApp. E website tambe ta ofrece yudansa pa haya lugarnan di test.

Salud sexual ta keda sensitivo

Salud sexual ta keda un topico delicado na Corsou, Jansen ta observa diariamente. “Por ehempel, no ta tur hende ta durf di papia abiertamente tocante nan orientacion sexual.”

Ademas, no ta tur ora ta usa



condon durante relacion sexual, hasta bao di hobennan. Un reduccion den uso di condon a ser observa na otro partinan di mundo den añanan recién. Na mes momento, tin indicacion cu STI ta birando mas prevalente. Na Corsou, mescos cu den hopi pais desaroya, clamidia ta e STI bacteriano mas comun.

Sinembargo, dato duro falta. Segun Jansen, nan ta ser desaroya actualmente. “Den e proximo añanan, nos ta spera di haya mas bista riba e estado real di salud sexual na Corsou, incluso bao di hobennan, pa medio di compila dato.”

Un Centro di Salud Sexual a habri riba e isla na 2023, ofreciendo consultanan accesibel riba salud sexual, incluyendo test di STI. E Servicio di Salud Municipal (GGD) ta trahando pa haya un bista di e cifranan pa testnan positivo di STI, comportacion di test, y tendencianan den uso di condon, pa asina informacion y politica den futuro por ta mihor adapta na e situacion real bao di e poblacion.

Pa e hobennan y nan mayornan

Cu CurLoveCare, e organisacionnan kier yega no solamente na hobennan pero tambe nan mayornan. “Hopi

mayor ta hay'e dificil pa papia tocante sexualidad. E website aki tambe ta yuda lanta combersacion. Di e manera aki, bo no ta bo so como mayor of hoben.”

E comienso di algo mas grandi

E website a lansa recientemente, y e reaccion inicial tabata positivo. “Nos ta bezig ainda promoviendo esaki,” Jansen ta bisa. “Pero e ta un comienso: pa prome biaha, hobennan awor por haya informacion confiabel den nan mesun idioma y ser referi directamente na e organisacionnan local corecto.”

Universidad di Corsou ta lansa proyecto di dialogo riba pasado di religion y esclavitud

(Curacao.nu) – **Universidad di Corsou (UoC) a ricibi un subsidio di Organisacion di Hulanda pa Investigacion Cientifico (NWO) pa un proyecto cu ta invita hoben adulto y adulto pa participa den dialogo tocante e rol di comunidadnan di religion den historia di esclavitud. E programa publico interactivo lo cuminsa na october cu un piloto den un barío di Corsou.**

E proyecto ta construi riba e investigacion di NWO “Religion y Slavitud,” cu a duna bista nobo riba e relacion historico y teologico entre religion y esclavitud. UoC ta colaborando cu Protestant Theological University, Vrije Universiteit Amsterdam, y Rijksmuseum Catharijneconvent na Utrecht.

E programa ta usa tecnicanan di contamento di historia y



theater di foro pa envolve participantenan den dialogo critico. Escena cortico basa riba sucesonan historico ta permiti participantenan pa explora perspectivanan alternativo. E sesionnan ta conclui cu reflexion comparti riba e relevancia contemporaneo di esclavitud y religion.

“E dialogo aki ta crucial den un contexto caminda e her-

encia di esclavitud y colonialismo ta palpabel ainda,” e proyecto ta bisa. Hopi di esnan involvi ta descendiente di tanto hende esclavisa como doñonan di catibo, y religion a hunga un rol dobel como un fuente di tanto dolor como sanacion.

Partnernan Local

Escritor, actor y contador di

cuento, Mario Kleinmoedig ta yuda adapta e programa na varios grupo. Organisacion local Unidad di Barío Corsou (Jeannette Juliet-Pablo) ta trece comunidadnan hunto y ta provee un plataforma pa dialogo dentro di e barionan.

E proyecto ta usa tecnologia digital pa documenta y comparti informacion. NAAM

(Maneho Nacional di Memoria Arkeologico y Antropologico) ta yuda cu e grabacion digital. Fundacion Hulandes di Heilzame Verwerking Slavernijverleden tambe ta participando.

Piloto y conferencia

E inicio di e piloto suave lo tuma lugar na october den un barío cu ainda mester ser determina. Residentenan, representantenan di comunidadnan di religion, y otro stakeholders lo topa pa comparti historianan y refleha riba e impacto di e pasado colonial.

Durante e conferencia “Cristianismo y Slavitud na Islan Caribense Hulandes, Surinam, y Hulanda” di 10 pa 14 di november 2025, na Corsou, lo presenta e proyecto mas ampliamente na comunidadnan di religion y iglesia di varios parti di Reino.



Cuminsando cu 4 florin, bo por gana e suma grandi aki

Afl. 300.000,-

Obtenibel na cualkier rebendado di Lotto.

sorteo ta awe noch 7:45 pm



HUNGA AWO



Gezaghebber Soliano ta tuma over gobierno di Boneiro temporalmente

Despues cu mayoria di diputado a renuncia

(Boneiro.nu) – Gobernador John Soliano a pidi Consejo Insular cu urgencia den un carta pa nombra ehecutivonan provincial nobo lo mas pronto posibel. Esaki ta debi na e retiro di ehecutivonan provincial Anjelica Cicilia y Nina den Heyer, kendenan a entrega nan retiro inmediato dia 26 di juli 2025.

Segun Soliano, cu salida di ambos administrador, mas cu mitar di ehecutivonan provincial no ta den funcion. Bao di e Ley di Entidad Pu-

blico BES (WolBES), den e caso ey Gobernador ta reemplasa e Consejo Ehecutivo temporalmente, te ora cu por lo menos mitar di e cantidad rekeri di ehecutivonan provincial a ser nombra.

Continuidad

Den su carta na conseho Insular, gezaghebber ta enfatisa e importancia di haci nombramentonan nobo liher pa garantisa continuidad administrativo riba e isla. P'esey e ta pidi cu urgencia pa e proceso di nombramento cuminsa sin tardansa.



Gobierno Hulandes a emiti prohibicion di entrada contra 2 minister Israeli

(NLTimes) –Gobierno demisionario Hulandes a anuncia medidanan contra Israel debi na e situacion “insoportable y indefensible” na Gaza, minister di Relacionnan Exterior, Caspar Veldkamp a bisa den un carta pa parlamento. Hulanda lo impone un prohibicion di biahe riba e ministernan Israeli, Bezael Smotrich y Itamar Ben-Gvir, y a convoca e embahador Israeli, NOS ta informa.

Gobierno lo impone sancion riba e Ministernan Israeli extremista, Smotrich y Ben-Gvir y lo registra nan como stranheronan indesea, loke ta nifica cu nan lo no ser permiti pa drenta Hulanda. Smotrich y Ben-Gvir ripitidamente a incita violencia contra e poblacion Palestino, a defende expansion di asentamentonan ilegal den territorio Palestino, y a pidi pa limpieza etnico den Gaza, gobierno Hulandes a bisa. Ora di papia cu e embahador Israeli, Veldkamp lo bolbe urgir Israel fuertemente pa cambia su rumbo riba Gaza y cumpli cu su obligacionnan segun derecho humanitario internacional, e Minister a bisa.

Na Europa, Hulanda lo pusha pa suspende e seccion di comercio di e acuerdo di asociacion cu Israel.

Hulanda tambe lo restringi e exportacion di arma pa Israel door di cambia varios permiso, Veldkamp a bisa. El a yama “practicamente imposibel” cu Hulanda lo otorga un permiso di exportacion di arma pa Israel den e situacion actual.

Pa contribui na suministro pa Gaza, Hulanda lo contribui cu 1.5 miyon euro na Oficina di Nacionnan Uni pa Servicionan di Apoyo y 3 miyon euro adicional na Cruz Cora, Veldkamp a bisa.

E gobierno demisionario a bay di acuerdo riba e medidanan aki dialuna durante un consulta di urgencia cu prome minister Dick Schoof, vice-prome minister, Veldkamp, y minister di Defensa, Ruben Brekelmans. Nan a interumpi nan vakantie di berano pa e reunion, probablemente debi na e presion creciente di organisacionnan di yudansa rond mundo, partidonan di oposicion y ciudadanonan Hulandes.

Despues di e reunion, Schoof a bisa cu Hulanda tambe lo

defende medidanan adicional contra Israel den seno di Union Europeo. Te awor, ministernan di UE no por a bay di acuerdo riba ningun medida pa presiona Israel pa stop su atakenan y hamber na Gaza.

Schoof tambe a bisa cu el a yama e presidente Israeli, Isaac Herzog pa inform’e riba e medidanan Hulandes. Herzog a bisa despues riba X cu tumando pasonan asina lo ta un “eror ENORME,” specialmente mirando “Israel su esfuersonan humanitario continuo y mehora.” Tambe el a keha tocante Schoof cu no a menciona e rehennan Israeli cu ainda ta den detencion di Hamas.

E cantidad di morto di Israel

Te cu 28 di juli, Israel a mata por lo menos 59.921 Palestino na Gaza, incluyendo mas di 17.400 mucha, Al Jazeera a informa a base di e ultimo cifranan di Ministerio di Salud Palestino, controla pa Hamas. 147 hende a muri di hamber, incluyendo 88 mucha. Por lo menos 145.233 hende ta herida, y miles ta desapareci ainda, dera bao di escombronan.

Israel a corta yudansa humanitario na Gaza dia 2 di



maart y a laga drenta solamente awa sporadico for di e tempo ey. Un di cada dies mucha na Gaza ta malnutri, y por lo menos 40.500 mucha ta herida.

E atakenan insesante di Israel a cuminsa como represaya pa un atake terorista cu Hamas a comete riba Israel dia 7 di october 2023, matando por lo menos 1.139 hende.

Gobierno Hulandes ta haciendo “bergonsosamente poco,” organisacionnan di yudansa ta bisa. Organisacionnan di ayudo Hulandes ta contento cu porfin gobierno ta haciendo algo, pero ta bisa cu e no ta haciendo suficiente. “E ta algo, algun progreso ta ser haci, pero ta bergonsosamente poco y mucho laat,” director Gerard Jonkman di e organizacion di derecho humano The Rights Forum a bisa ANP. “Nos ta yama bon bini na e sancionnan potencial anuncia

awor, pero nan no ta bay casi suficiente leu.”

“Tur presion internacional y e menasa di sancion contra Israel pa habri e portanan pa ayudo na Gaza ta hopi bon bini. Pero nos mester wak prome te na ki grado e sancionnan realmente lo ta efectivo, of si Israel lo baha cabes,” un vocero di Cruz Cora Hulandes a bisa e waya di noticia.

“Hende na Gaza realmente no por warda mas. Hende ta muriendo di hamber. Nos a bin ta boga pa lunanan largo pa acceso sin obstaculo y constante pa provee hende cu suficiente cuminda y bon cuidio medico. E hecho ta keda cu nos mester wak ainda con esaki ta funciona, pasobra e ta parece un paso chikito, y pasonan grandi ta necesario. Hende na Gaza desesperadamente mester di dje, y pa algun, ta mucho laat caba.”

Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



Chile ta entrega holoshi di luho horta for di Keanu Reeves na FBI

(AP) — Autoridadnan Chileno a bisa diamars cu nan a entrega seis holoshi valioso horta for di actor Canades Keanu Reeves — incluyendo un Rolex graba na balor di por lo menos \$9.500 — na Oficina Federal di Investigacion di Merca, lunanan despues di a recupera nan den un inval policial.

FBI lo regla pa nan regreso na Reeves, mas conoci pa su rolnan den frankicia di accion manera "The Matrix" y "John Wick." Fiscalnan Chileno a bisa reporteronan cu Reeves a identifica e holoshinan como esnan horta for di su cas na Los Angeles durante un serie di kiebros di perfil

halto na december 2023.

E anuncio a ser haci na momento cu secretario di Seguridad Nacional di administracion di Trump, Kristi Noem, a yega e pais Sur Americano pa reunion cu funcionarionan Chileno tocante criminalidad transnacional, entre otro asunto.

Noem tambe tabata victima di un atraco atribui na un nacional Chileno cu ta biba ilegalmente na Merca, ora su cartera a ser horta na april ultimo na un restaurant di Washington.

E seis holoshi di Reeves ta balora na un total di 125 mil dollar, segun Marcelo Varas, un agente policial di e team



di investigacion di atraco di Chile.

E holoshinan horta for di cas di Reeves na Hollywood Hills a aparece na Santiago, e capital di Chile, ora cu polis

a invadi casnan y a descubri autonan horta, iPhone, holoshinan di luho y cartera di diseño.

E operacion aki a coincidi

cu un otro investigacion Chileno, coordina cu FBI, den un cantidad di kiebros di gruponan di criminalidad cu sede na Sur America cu ta dirigi riba casnan multimillonario na Merca, hopi di nan ta pertenece na celebridad y atleta profesional, manera e hungador di futbol di Kansas City Chiefs, Travis Kelce.

Na april, polis na Chile a anuncia e aresto di 23 ciudadano pa motibo di e serie di kiebros.

Varas a bisa cu autoridadnan tabata investigando ainda cu alquier vinculo entre e ladronia di e holoshinan di Reeves y e otro atraconan di perfil halto.

Trinidad y Tobago ta extende estado di emergencia mientras menasa den prison ta persisti

(AP) — Legisladornan na Trinidad y Tobago a prolonga un estado di emergencia despues cu fiscal general a bisa cu e sistema di prison di e nacion di dos isla a ser comprometi. El a culpa oficialnan di prison y hasta abogadoan di a yuda detenidonan acusa di a planea pa mata oficialnan di rango halto.

Autoridadnan recientemente a muda prisionero di riesgo halto pa basenan militar como parti di un represion recien contra lidernan di gang cera acusa di a usa telefonnan celular di contrabando pa planea un serie di asesinato, atraco y secuestro cu yudansa di asociadonan criminal pafo.

Fiscal General John Jeremie a revela na Parlamento dialuna cu algun guardia di prison por a ser scucha abiertamente ta adverti e detenidonan ora cu agentenan policial specialisa a presenta pa conduci invasionnan den prison, y el a acusa algun abogado tambe di a yuda esnan cera ilegalmente.

"E sistema a ser comprometi,



y e tabata sirbi e detenidonan como un centro di mando criminal protegi," Jeremie a bisa.

E ultimo estado di emergencia na Trinidad y Tobago a ser prolonga pa tres luna despues cu autoridadnan a adverti cu e menasa di un complot pa mata oficialnan clave di gobierno y ataca institucionnan publico ta existi ainda.

E emergencia inicial a keda declara dia 18 di juli y tabata anticipa cu e lo dura 15 dia.

Sinembargo, e Parlamento di e nacion Caribense a convoca un sesion extraordinario dialuna pa prolonga e medida te fin di october.

"Nos ta aki pa un extension, nos ta aki pasobra e menasa ta existi," Saddam Hosein, minister di asuntonan huridico, a bisa durante e sesion.

Prisioneronan cu tabata ser considera "di riesgo halto" a keda traslada pa basenan militar den west Trinidad, pero esey no a stroba intentonan

pa interferi cu nan detencion, segun e fiscal general.

"E luganan aki cu nan a ser retira hopi recientemente tambe a ser infiltra pa dos drone," Jeremie a bisa, agregando cu e militarnan a stroba e intentonan aki.

Mientras tanto, Asociacion di Oficialnan di Prison, cu ta representa guardia di prison, a condena e acusacionnan contra e guardianan.

E ta e di dos estado di emer-

gencia cu e republica di dos isla ta implementa den algun luna. December ultimo, autoridadnan a tuma accion similar, citando preocupacion tocante violencia di gang. E estado di emergencia ey a dura te mita di april.

Mientras cu miembronan di Parlamento di tanto gobierno como di oposicion a vota unanimamente na favor di prolonga e emergencia, e oposicion principal a cuestiona si tabatin cualkier detencion grandi den e prome 10 dia di e medida cu tabata na vigor.

Oficialnan di gobierno a señala cu polis a aresta mas cu 340 hende y a lansa riba 800 operacion te awor.

E emergencia extendi a ser aproba un dia despues cu Trinidad y Tobago a marca 35 aña desde e golpi fracasa di e grupo Islamista Jamaat-ul-Muslimeen, cu a laga 24 persona morto. E fiscal general a referi na e insurreccion aki, bisando cu e circunstancianan actual "no ta diferente for di esnan di e tempo ey."

Ex presidente Colombiano Uribe haya culpable den huicio pa soborno

(AP) — Ex-presidente di Colombia, Álvaro Uribe a keda condena pa manipulacion di testigo y soborno dialuna, den un huicio historico cu a captiva e nacion Sur Americano y a menasa di mancha e herencia fuerte di e homber conservador.

E decision a sigui un huicio di casi seis luna den cua fiscalnan a presenta evidencia cu Uribe a purba di influencia testigonan cu a acusa e lider di ley y orden di tin vinculo cu un grupo paramilitar funda pa rancheronan den añanan 1990.

Uribe, di 73 aña, no tabata den Corte den e capital, Bogotá, pa e veredicto ya cu e hues te awor no a ordena su detencion. El a sigui e decision for di su cas pafor di Medellín, pero no a papia mesora tocante esaki.

Uribe ta enfrenta te cu 12 aña di prison, pero un sentencia lo ser duna den un audiencia separa. Ta spera cu e lo apela e sentencia.

E ex-mandadario, cu a goberna di 2002 pa 2010 cu apoyo fuerte di Merca, ta un figura



polarisante na Colombia, unda hopi ta credit'e di a salba e pais di bira un estado fracasa, mientras cu otro nan ta asoci'e cu violacion di derecho humano y e ascenso di gruponan paramilitar den añanan 90.

Den un sentencia cu a dura mas cu 10 ora, hues Sandra Heredia a bisa cu tabatin suficiente evidencia pa determina cu Uribe a conspira cu un abogado pa convence tres miembro anterior di gruponan paramilitar cu tabata den prison pa cambia testi-

monio cu nan a duna na Ivan Cepeda, un senador di isquierda cu a lansa un investigacion riba alegacion cu Uribe ta vincula cu un grupo paramilitar.

E caso ta data di 2012, ora cu Uribe a entrega un demanda di difamacion contra Cepeda na Corte Supremo. Pero den un cambio, e corte supremo a rechasa e acusacionnan contra Cepeda y a cuminsa investiga Uribe na 2018.

Durante presidencia di Uribe, chercito di Colombia

a logra algun di su victorianan di mas grandi riba tereno di bataya contra e insurgencia isquierdista di mas bieu di Latino America, pushando e Forsanan Arma Revolucionario di Colombia den areanan remoto y forsando e liderazgo di e grupo den combersacion di paz cu a conduci na e desarmamento di mas cu 130,000 combatiente na 2016.

Conoci pa su etica di trabao incansable y temperamento cortico, Uribe ainda tin legionnan di seguidor na Co-

lombia y ta un di e opositornan mas feroz di e presidente actual, ex-guerrillero isquierdista Gustavo Petro.

Secretario di Estado di Merca, Marco Rubio a reacciona riba e decision, ya cu a bira cla cu hues Heredia tabata bay sentencia e ex-presidente como culpable di soborno. "Uribe su unico crimen tabata pa bringa y defende su patria incansablemente" Rubio a skirbi dialuna riba X. "E armamento di e ramo hudicial di Colombia door di huesnan radical awor a pone un precedente preocupante."

Presidente Colombiano, Gustavo Petro a defende e sentencia, skirbiendo riba X cu "un sistema di husticia fuerte" lo permiti Colombia sali for di violencia. El a agrega den un otro mensahe cu Rubio tabata mishi cu e soberania di Colombia. "Mundo mester respeta e huesnan di Colombia" Petro a skirbi.

Heredia a bisa cu su decision no mester ser interpreta como "un victoria pa niun hende" sino como "un acto di husticia."

Mexico: A rescata siete hoben cu a perde den Cañon del Sumidero

(Infobae) — Un grupo di siete hoben a ser localisa y rescata despues di a perde den e emblematico Cañon del Sumidero, na Chiapas, riba e anochi di diamars, 28 di juli. E alerta a ser activa despues cu famiarnan y conocirnan a notifica autoridadnan di e desaparicion di e excursionistanan, cinco homber y dos muher, cu a aventura den e area natural sin por a localisa otro of regresa riba nan mes.

Un di e hobennan a logra yega na un punto den e reserva caminda el a haya un señal di telefon celular y mesora a manda mensahenan di texto advirtiendone su amigonan y famia tocante su condicion.

Personal di Proteccion Civil, polis estatal y di municipio, y tambe boluntarionan y personal di rescate di sero a participa den e operacion. E despliegue a tuma lugar alrederor di 9 or di anochi riba diamars 28 di juli, tanto riba tera como den awa.

Rescatistanan a cuminsa cu



e buskeda despues di a haya informacion di paradero aproxima di e grupo y a logra establece contacto cu e hobennan, cu a manda nan localidad via aparatonan mobil.

Cañon del Sumidero ta un

di e atraccionnan turistico principal di Chiapas pa su baranca, cueba y biodiversidad, pero e ta trece tambe retonan significante di nabegacion y seguridad pa esnan cu ta bishita sin un guia of entrenamiento apropiado.

Segun autoridadnan, e hobennan a drenta den un parti aparta di e cañon y, ora anochi a drenta, a bira desorienta.

No por a haya nan caminda back y e tereno dificil, nan a dicidi di pidi yudansa.

Despues di varios ora di buskeda, e ekipo di rescate a logra localisa e grupo y a procede na transporta nan di forma sigur.

E hobennan, aunke tabata muestra señalnan di cansancio y deshidratacion, no a sufrir ningun lesion serio.

Personal medico a evalua nan y a determina cu nan no tabatin mester di hospitalisacion, aunke nan a recomenda observacion y sosiego.

Autoridadnan estatal a urgi e poblacion pa tuma precaucionnan extremo ora di participa den actividadnan den aire liber den areanan manera Cañon del Sumidero.

Nan ta recomenda pa biaha semper cu guianan certifica, carga ekipo apropiado y mantene comunicacion constante. Servicio di emergencia a enfatisa e importancia di no subestima e riesgonan cu por surgi riba camindanan y den areanan di selva, specialmente den cara di cambionan di clima of falta di experiencia.

Aviso di Sydney Sweeney pa American Eagle ta ricibi critica

(DeTelegraaf) – Sydney Sweeney ta bao candela pa un wega di palabra usa den un propaganda pa e marca di paña American Eagle. E aviso, cu ta conta cu e actriz ta usa e slogan “Sydney Sweeney Tin Bon Jeans,” cu tambe por referi na su “genenan bon” (na Ingles “good genes”). E wega di palabra a ser critica ampliamente riba rednan social, specialmente debi na e parti di aviso den cual e actriz ta papia di su gene “genes” cu el a haya di su mayornan.



Criticonan ta alega cu e campaña tin subtono racista pasobra supuestamente e ta celebra “idealnan di beyesa blanco.” “Kisas mi ta mucho woke, pero tuma un muher blond, cu wowo blauw, blanco y enfoca bo campaña

riba su genenan perfecto ta sinti straño...” un di e hopi comentarionan ta bisa riba e anuncio. Otronan ta yama e campaña “straño” y “altamente problematico,” cu algun ta expresa sorpresa cu e escogencia di palabra a ser

aproba internamente.

Segun informe, e campaña di Sweeney ta esun mas caro di e compania te cu awor. American Eagle no a responde ainda riba e reaccionnan negativo.

Wallis Annenberg, filantropo biyonario cu a sostene arte, ciencia y otro causa, ta fayece cu 86 aña



(AP) — Wallis Annenberg, e filantropo biyonario cu a sostene causa di arte, ciencia, educacion y bienestar di bestia durante decadanan na Los Angeles, a fayece dialuna, su famia a bisa. E tabatin 86 aña.

Annenberg a muri na cas pa motibo di complicacionnan relaciona cu cancer di pulmon, e famia a bisa den un comunicado na Los Angeles Times.

“Wallis a transiciona pacificamente y comodo awe mainta pa su aventura nobo,” e declaracion a bisa. “Cancer por a bati su curpa pero nunca el a haya su spirito. Nos lo tene e y su sabiduria den nos curason pa semper.”

Su nomber ta dorna institucionnan den henter e area di Los Angeles, incluyendo e Wallis Annenberg Building na e California Science Center, e centro pa adulto mayor Wallis Annenberg GenSpace y e Wallis Annenberg Center for the Performing Arts.

E Wallis Annenberg Wildlife Crossing, e brug di mas grandi na mundo pa bestianan den movecion, lo habri otro aña riba un caminda grandi di LA.

Durante su periodo di 16 aña como presidente y hefe checutivo di e Fundacion Annenberg, e organizacion sin fin di lucro a haci donacion di alrededor di \$1.5 biyon na miles di organizacion den Sur di California, the Times a informa.

Bao liderazgo di Wallis Annenberg, e fundacion a ex-

pande su alcance filantropico mas leu di medianan di comunicacion, arte y educacion pa inclui bienestar di bestia, conservacion di medio ambiente y cuido di salud.

Su tata, Walter Annenberg, a cuminsa e fundacion despues di a bende su imperio di publicacion, incluyendo TV Guide y otro publicacionnan, na 1989 na Rupert Murdoch’s News Corp. Walter Annenberg a fayesé na 2002.

Wallis Annenberg tabata un miembro di directiva di hopi tempo di e Museo di Arte contemporaneo di LA y e Museo di Arte di e condato di Los Angeles, of LACMA. Na 2002, el a duna \$10 mion pa dota e posicion di director di LACMA.

“Wallis Annenberg a bendiciona e comunidad di Los Angeles no solamente cu su filantropia, pero tambe cu su guia tocante con pa mehora nos comunidad,” asina Hefe Ehecutivo di LACMA Michael Govan, kende a yena e posicion dota na 2006, a bisa.

Naci na Philadelphia, el a muda pa Los Angeles na cuminsamento di añanan 1970 despues di a casa cu e neurociruhano Seth Weingarten. E pareha a divorcia na 1975.

Wallis Annenberg a ricibi e Medaya Nacional di Humanidad 2022 di Presidente Joe Biden pa su bida den filantropia.

E ta laga atras cuater yiu y cinco nieto.

Amal Baroud ta empleado superior di Aruba Bank



Amal Baroud ta empleado superior di Aruba Bank pa luna di juni 2025. Un empleado cu a demonstra dedicacion y iniciativa sobresaliente, logrando asina e reconocimiento merecido aki.

E compromiso di Amal pa semper brinda un experiencia superior na e clientenan di Aruba Bank ta refleha e balornan principal di e banco. Su dedicacion y manera proactiva di traha ta crea un impacto positivo riba e clientenan, y ta pone un standard halto pa excelencia di servicio.

Den su tempo liber, Amal gusta canta karaoke na cas cu su famia, un pasatempo alegre cu ta fortalece e laso familiar y trece hopi alegria den cas.

Pabien, Amal, pa ta un empleado ejemplar cu ta representa bon e cultura di servicio di Aruba Bank.

Abogadonan di ex casa di Tyrese Gibson kier pa deten'e

(AP) - Tyrese y su ex pareha Samantha Gibson tin varios aña divorcia, sinembargo te ainda tin un debe pendiente cu a surgi di e divorcio - casi 500,000 - den gasto di abogado cu no a paga y awo su abogadonan kier pa deten'e pa falta di paga esaki.

Samantha a entrega su di 4 mocion unda a pidi e hues obliga Tyrese paga esaki (cu interes) na The Gleklen Law Firm and Bloom Lines Alexander y declara cu e ta den violacion.

Tyrese su ex pareha ta bisa cu e debe awo a

aumenta te na 492,651 cu interes y ta bisa cu Tyrese ta sigui sin paga esaki. E firma ta pidiendo pa declara cu e ta den falta di cumplimiento criminal y impone un maximo di 20 dia den prison como un castigo.

Tyrese y Samantha Gibson a casa den 2017 y ta comparti un yiu yama Soraya, prome cu nan divorcio den aña 2020.

Samantha a admiti abiertamente den un podcast di 2023 cu su decision pa divorcia di Tyrese por a ta uno apresura, sinembargo su abogadonan ta pensa cu esaki no ta encarga di e debe pendiente.



Fanaticonan di Ozzy Osbourne ta prepara un ultimo despido

Plannan pa entierro di Ozzy Osbourne a keda revela

(TMZ) - E plannan pa entierro di Ozzy Osbourne ta cla - e leyenda di rock su curpa lo bay back su ciudad natal pa un ultimo procesion diaranson, unda su fanaticonan lo despedi di e Prins di Scuridad.

E super strea su ultimo pasada door di Birmingham, Reino Uni ta cuminsa awe pa 1or di merdia, bayendo for di e cas di su famia te na ciudad su Broad Street iconico - y grupo local Bostin Brass Band lo ta presente segun e conseho di e ciudad a confirma.

E procesion lo haci un ultimo parada na Black Sabbath Bench and Bridge, un luga cu a converti den un memorial improvisa, unda miles di fanatico ta lagando flor y homenahe conmovedor na e icono di e genero musical heavy metal.

Manera a anticipa, gruponan masivo di persona ta den plan di yega Birmingham pa duna



nan respet. Birmingham su Lord Mayor Zafar Iqbal ta priminti cu e ciudad lo duna Ozzy e "despedida cu e merece," yamando Ozzy e "yiu di Birmingham."

Ozzy a fayece diamars cu 76 aña, rondona pa su casa Sharon y su yiuunan.



2002

Trump ta busca declaracion rapido di Murdoch den demanda di Wall Street Journal pa articulo tocante Epstein



(AP) - Presidente Donald Trump ta pidiendo corte federal na Florida obliga Rupert Murdoch duna un declaracion rapido pa e presidente su demanda contra The Wall Street Journal dentro di 15 dia, citando e magnate di media su edad y condicion fisico.

Trump a demanda Journal, cual ta pertenece na Murdoch, na Corte di Distrito di Florida dia 18 di juli pa su storia unda el a reporta cu e presidente Republicano tin laso na Jeffrey Epstein, e financiero y supuesto traficante di mucha pa actonan sexual cu a fayece na cel di New York den 2019 prome



cu e huicio.

E presidente su mocion na corte dialuna a nota cu Murdoch tin 94 aña, y aparentemente a sufri varios incidente cu su salud den añanan recien, tambe ta asumi cu e ta biba na New York.

"Si tene na cuenta tur esaki, e factornan aki tin peso pisa den determina cu Murdoch no lo ta disponible pa un declaracion den persona na e huicio," Trump su peticion na e corte ta detaya.

Vocero di Murdoch su News Corp. no a contesta ora a pidi un comentario. Trump su mocion a bisa cu, den un combersacion via telefon, abogado di Murdoch a indica cu e lo opone e esfuerso.

Like
us on
Facebook

facebook.com/bondianoticia

Rincon Judo Club a duna prestacion fuerte na e Campeonato di Judo di US Open 2025

(Bonaire.nu) – Rincon Judo Club a demostra un prestacion fuerte riba tur tres dia di e Campeonato di Judo US Open 2025 na Merca. E delegacion di Rincon a regresa cas cu varios medaya, resultadonan excelente, y un club orguyoso tras di lomba.

Riba e prome dia di competencia, Ray’Xia Janga di 7 aña a cuminsa cu e torneo door di tuma e prome lugar den su clase. Jareth Janga (11) y Aksa Koex (15) tur dos a gana brons, mientras cu Neymar



Janga (11) a captura plata. Alex Sanchez y Rozinho Anthonie a perde net net pa ta

ariba podium na di cuater lugar. E competidor mas hoben, Jhaycion Janga (6), a ter-

mina na di shete lugar den su categoria.

E di dos dia a trece mas exito. Eadricks Koex (17) a keda corona campeon den su clase di peso den e juniornan di IJF, mientras cu Angel Rodriguez (13) a perde un medaya, terminando na di cinco lugar.

Riba e di tres y ultimo dia, e grandinan y veteranonan a competi. Alejandro Sanchez (31) y Xavier Janga (34) a gana oro den nan respectivo categorianan di veterano.

Rainer Pourier (32) a agrega un medaya di plata. Eric Koex (21) a termina di diestres den e categoria senior bou di 66 kg, y Justinian Cicilia (30) a termina su torneo na di diesshete lugar den e categoria di peso pisa.

Cu tres medaya di oro, un di plata, y dos medaya di brons, e participacion di Rincon Judo Club na US Open tabata un exito grandi. Cu e logronan aki, e club ta demostra nan forza y potencial na nivel internacional.

Strea di Portugal João Félix ta uni cu Cristiano Ronaldo na Saudi Arabia cu Al Nassr

(AP) — João Félix a hiba su gasto total di transferencia na alrededor di \$260 miyon diamars ora el a completa su ultimo mudansa — e biaha aki pa e club di Saudi Arabia Al Nassr.

E delantero di Portugal a uni cu e compatriota Cristiano Ronaldo, uniendo for di Chelsea pa un prijs inicial di 30 miyon euro y firmando un contracto di dos aña.

“Mi ta aki pa plama alegria. Ban gana hunto,” Félix a bisa den un video anunciando su yegada, comparti riba e canalnan di red social di Al Nassr.

E ta e ultimo hungador estelar di Europa pa muda pa

Saudi Arabia como parti di e intento di e reino pa bira un forza grandi den futbol. Pero su traspaso for di e ganador di Copa Mundial di Club Chelsea ta e ultimo den un liña largo di movimiento pa un hungador cu ta mantene e record pa e di cuater firma mas caro den historia, pero no a logra cumpli cu e expectativanan poni riba dje asina trempa den su carera.

Ainda solamente 25 aña, Félix tin tempo pa alcanza e halturanan cu e tabata parce destina p’e ora el a forma parti di e gigante Spaño Atletico Madrid for di Benfica pa \$140 miyon na 2019. Pero su carera a para keto for di e tempo ey cu un serie di fianza na ekiponan di mas halto incluyendo Chelsea, Barcelona

y mas recien AC Milan cu no a logra mir’e mes entre e elite.

Di acuerdo cu e website di fecha di transferencia Transfermarkt, Félix ta tras di solamente Neymar (222 miyon euro), Kylian Mbappe (180 miyon euro) y Philippe Coutinho y Ousmane Dembele (ambos 135 miyon euro) riba e lista di tarifanan di transferencia mas halto den futbol.

Su balor a baha significamente — a drenta Chelsea pa un \$60 miyon aña pasa, cu su tarifa casi a baha na mita atrobe pa drenta Al Nassr.

E mudansa pa Saudi Arabia no ta garantisá pa lanta su carera di nobo. Mientras cu



algun a florece, incluyendo hendenan manera Ronaldo y Alexander Mitrović, Neymar a bay despues di un tempo stroba pa lesion na Al-Hilal y Jordan Henderson y Jhon Durán a keda solamente pa lunanan prome cu sigui.

Al Nassr lo spera cu e yegada di Félix lo mira e gana e titulo cu e tabata warda desde cu a

firma Ronaldo den un movimiento espectacular na fin di 2022.

Mientras cu e gran di Portugal a yuda hisa e perfil di futbol di Saudi Arabia y a sigui score na un ritmo prolífico, e mester a wak e rivalnan Al Ittihad (dos biaha) y Al-Hilal corona campeon durante su tempo den e liga.

Team Saba U18 a gana dos wega den torneo di Basketball Final 3x3 NL

(BESReporter) – Riba diasabra 26 di juli, e ekipo di basketball bou di 18 aña di Team Saba a entrega un actuacion impresionante durante e final di e torneo di basketball 3x3 na Stadion Bijlmer Arena na Hulanda.

E ekipo a sigura dos victoria for di tres wega, dominando nan partido di apertura cu un victoria di 20-8 y un victoria di 21-19 den e di dos wega. Den e buelta final, e team a termina cu score di 13 contra 21.

E ekipo U18, cu ta consisti di Preston Tenholt, Rashijden Riley, Ayden Nation, y Brandon Yara, a ser entrena pa Jalen Robinson y compaña

pa consehero di Politica Lauren Risley.

Mientras cu e tabata na Hulanda, e ekipo tambe a participa den varios oportunidad di siñamento. Nan a observa e practicanan di e Seleccion Nacional 3x3 masculino y femenino, a participa den tayernan tocante arbitrahe y liderazgo, y a tuma parti na un entrenamiento anochi dirigi pa Coach Jorrit Berens. Adicionalmente, e ekipo tabatin entrenamiento di 3x3 United Coach Bas Rosendaal & National Team Skills Coach Jard Schuit. E experencianan aki a ofrece e hungadornan un bista riba e normanan y tecnicnan profesional di basketball internacional 3x3.

“Esaki tabata un experien-

cia grandi pa e muchanan,” Coach Jalen Robinson a bisa.

“Competiendo na e nivel aki y participa den e oportunidadnan extra di entrenamento a yuda nan crece como hungador di berdad. Nan a hinca hopi trabou duro y nos ta orguyoso di nan prestacion.”

“Nos meta tabata pa duna e hungadornan y coachnan di Saba un experiencia bon rondona di varios nivel y aspecto di basketball 3x3 na Hulanda, mientras tambe a introduci e comunidad di basketball Hulandes na e parti Caribeense di nos Reino. Tabata great pa mira con basketball a trece hende hunto y con liher e hungadornan di Saba a haya



nan ritmo pafor di cancha y ta motiva nan pa comparti e experiencia aki. Loke nan a siña y yuda crece e wega na cas,” Martin Ho Suie Sang a comparti, Gerente di Desaroyo di Basketball na Federacion di Basketball di Hulanda.

PES ta felicita e ekipo y nan coach pa nan trabou duro y dedicacion na e deporte.

E ekipo U18 a regresa Saba diamars 29 di juli.

Australia anfitrión hunto cu Corea di Sur, Iran, Filipina pa Copa di Asia Femenino 2026

(AP) — **Australia, anfitrión di Copa di Asia Femenino, a ser saca den Grupo A cu Corea di Sur, Iran y Filipina pa e torneo na maart otro año.**

E Matildanan, semifinalistanan di e Copa Mundial 2023 riba tera cas y campeónnan di Asia na 2010, a perde contra e Sur Coreanonan den e cuartofinal den e ultimo

campeonato continente. Den e ceremonia oficial diamars, e Australianonan a ser saca pa habri e torneo contra Filipinas na Perth dia 1 di maart.

E campeón defensor China, cu a lanta for di 2-0 abou pa gana Corea di Sur den e final di 2022, ta den Grupo B cu e tres biaha campeón Corea di Norte, e prome biaha clasifi-

cado Bangladesh y Uzbekistan.

Hapon, cu e meta pa un di tres titulo, ta den Grupo C cu Vietnam, India y Taiwan.

E dos mihor ekiponan den cada un di e tres gruponan y e dos mihor ekiponan di tercer lugar lo avansa pa e cuartofinal. E final ta fiha pa Sydney dia 21 di maart.



Campeonnan di Inglatera di Euro 2025 a ricibi un bon bini di heroe

(AP) — **Miles di fanático a sali pa celebra e campeónnan Europeo Femenino tras di otro di Inglatera na London diamars ora cu e entrenador Sarina Wiegman y su hungadornan a haya un ricibimiento pa recorda.**

Lidera pa un banda di marcha canto di e iconico Mall y despues presentacion riba escenario pa e streanan di musica Burna Boy y Heather Small, e hungadornan y personal di Inglatera a fiesta dilanti di Buckingham Palace.

“Mi tabata yora tur caminda den The Mall. Esaki ta increíbel. Esaki ta probablemente un di e mihor cosnan cu nos a yega di forma parti di dje,” capitan Leah Williamson a bisa, bringando contra mas lagrima.

Inglatera a crea historia door di bira e prome ekipo nacional di futbol di e pais den henter e wegá masculino y femenino pa gana un torneo

riba suelo stranhero cu e victoria den tiro di pinalti contra campeón mundial España na Basel diadomingo.

Yegando riba dos bus habri cu “Champions” graba riba nan, e hungadornan a zwaai na e fanaticonan cu, bisti cu verf di cara y tabata zwaai bandera, a para riba caya pa yama nan heroenan bon bini.

“Nos no tabata sa realmente kico pa spera awe, pero tur hende tabata asina entusiasma den e bus y tabata asina dushi pa bin back Inglatera y celebra cu nos fanaticonan,” Alescia Russo a bisa, kende a score e gol di empate di Inglatera den e final, cu a termina 1-1 despues di tempo extra. “E ta djis un tiki surrealista. Ta straño pa mira asina tanto hende sali den e cas di Inglatera, na London, rumbo pa Palacio di Buckingham, nunca mi lo a soña algo asina.”

E banda central di Forsa Aereo Real a pone ambien-

te— tocando himnonan di futbol di Inglatera “Three Lions” y “Sweet Caroline.”

Tabatin mas musica riba escenario cu un sorpresa special pa Wiegman, kende ta un fanático di Burna Boy. E strea di Afro-fusion Nigeriano a join e pa canta su cantica di éxito “For my Hand,” cu Wiegman bailando y formando parti di e show.

E tecnico Hulandes a completa un titulo di tres turba di Euro, despues di a gana anteriormente cu su pais natal Hulanda na 2017 y Inglatera na 2022.

E tin un record remarcabel di yega final di su ultimo cinco torneonan grandi como coach di Hulanda y Inglatera.

“Mi a spera un tiki menos caos,” el a bisa di su ultimo triunfo, cu a conta cu regresonan for di Inglatera den cada un di e rondnan di eliminacion te na e final. “Nan a djis presenta ora tabata realmente



necesario.”

Heather Small tabata e siguiente riba escenario pa canta “Proud” cu e hungadornan di Inglatera ta join atrobe prome cu hisa e trofeo dilanti di miles di fanaticonan cu a reuni, cu klapchi yenan-do shelo.

Pa Williamson, triunfo tabata un otro punto di referencia

ya cu el a bira e prome capitan di Inglatera pa hisa dos trofeo grandi.

“Obviamente nos ta hacie pa nos y nos ekipo, pero nos ta hacie pa e pais y pa mucha muher jong. E trabou aki nunca no tabata existi 30, 40 año pasa y nos ta haciendo historia cada un paso,” el a bisa.

Vollering ta sigui core den Tour de France despues di accidente; Wiebes ta gana Etapa 4

(AP) — **E ex campeón Demi Vollering a sigui core diamars den e Tour de France femenino a pesar di un accidente pisa cu a lag’e cu kemadura.**

Vollering, di e ekipo di FDJ-Suez, a haci testnan medico cu a exclui un riesgo di un conmocion despues cu el a dal den suela durante e Fase 3 di dialuna.

Vollering a core e di cuater etapa di Saumur pa Poitiers, terminando e dia sano y salvo den e peloton. El a keda

di seis den total, kedando 25 seconde atras di e lider di careda Marianne Vos.

E etapa a ser gana den un sprint pa Lorena Wiebes, cu Vos y Lara Gillespie completando e podium.

E tabata Wiebes su di dos victoria consecutivo den etapa e año aki y su di cinco total, un record desde e rebibamento di e evento na 2022. Jeannie Longo ta carga e record di etapa for di 1985 y 1989.

Vollering a cay menos di cuatro kilometer for di e liña di meta na Angers den un accidente cu a involvi varios ciclista. Examinacionnan realisa pa e dokter di ekipo a revela cu el a sufri varios contusion pero e no a bay hospital.

Vollering ta un di e ciclistanan mas condecora di su generacion. El a gana e Tour de France na 2023.

E careda di nuebe etapa ta termina dia 3 di augustus.



Cientificonan ta bistiendo porco cu paña y derando nan na Mexico

(AP) - Prome, e cientificonan ta bisti porco morto cu paña, despues nan ta dera e curpa. Algun di nan lora den tape, otronan nan ta corta. Nan ta hinca e bestianan den saco di plastic of ta lora nan den klechi. Nan ta cubri nan of ta kima nan. Algun ta dera nan so y otronan den grupo.

Despues, nan ta monitor.

E porconan ta hungado e rol di ser humano den investigacion pa haya e cantidad creciente di hendenan perdi na Mexico durante decanan di violencia di cartel.

Famia di esnan desapareci usualmente tin cu busca nan ser keri cu tiki sosten di autoridadnan. Sinembargo awo, cientificonan di gobierno ta test un satelite nobo, tecnicanan di mapa geofisico y biologico - conhuntamente cu e porconan - pa ofrece pista cu nan ta spera por resulta den descubrimiento di por lo menos algun di e curpanan.

130,000 desapareci y mas
E rango di Mexico su cantidad di persona desapareci a explota den e añanan despues di e lansamento di e presidente di e tempo aki Felipe Calderon su guerra contra cartelnan di droga den 2006. Un strategia cu a tuma accion contra lidernan di un par di cartelnan poderoso cu a causa cu crimen organisa y violencia a multiplica pa tuma control di e teritorio.

Cu practicamente impunidad completo, debi na e complicidad of falta di accion di autoridadnan, cartelnan a haya cu desaparece cualkier persona cu ta den nan caminda ta mas facil cu laga curpa riba caya.



Administradonan Mexicano no tabata dispuesto pa reconoce e problema y otro momentonan no tabata sa con pa lidia cu e escala di violencia cu nan sistema no ta prepara pa atende.

E cantidad di persona desapareci na Mexico por pobla un ciudad chikito. Data oficial den 2013 a haci un conteo di 26,000 desapareci, sinembargo e cantidad aki awo ta surpasa 130,000 - mas cu cualkier otro nacion latinoamericano. Nacionnan Uni (UN) a bisa cu tin indicacion cu e desaparicionnan ta "generalisa of sistematico."

Si e personanan desapareci ser haya - morto of bibo - usualmente ta e sernan keri ta haci esaki. Guia pa informacion di testigonan, e mayornan y rumannan ta busca grafnan pa medio di cana door di teritorio di cartel, hincando un tubo di metal den tera y holiendo pa haya holo di morto. Alrededor di 6,000 graf clandestino a ser haya desde 2007,

y descubrimientonan nobo ta haci tur ora. Miles di restonan te ainda mester keda identifica.

Test solucionnan creativo
Jalisco, cual ta cas di un cartel, tin e cantidad mas grandi di hende reporta perdi na Mexico: 15,000. Den maart, fragmento di weso di ser humano y centenares di paña a ser descubri na un rancho di e cartel den e estado. Autoridadnan a nenga cu esaki tabata un graf masal.

Jose Luis Silvan, un coordinador di e proyecto y cientifico na CentroGeo, un instituto federal di investigacion enfoca riba informacion, a bisa Jalisco su personanan desapareci ta "e motibo di con nos ta aki."

E proyecto aki, lansa den 2023, ta un colaboracion entre Guadalajara University, Mexico su National Autonomous University y University of Oxford, banda di Jalisco



co Search Commission, un agencia estatal cu ta organisa buskedanan local cu familiarnan.

"Ningun otro pais ta pushando asina fuerte, cu asina hopi creatividad" pa test y combina tecnicanan nobo, Derek Congram a comenta, ken su experticio den sistema di informacion geografico a inspira e proyecto Mexicano.

Sinembargo, Congram ta adverti cu "90% di e buskedanan ta resolvi cu cobamento y un bon testigo," el a declara.

Matanan, insecto y porconan cu ta descompone
Canando na un sitio unda cientificonan a dera 14 porco alrededor di 2 aña pasa, Silvan ta bisa cu no por saca afo con bon e tecnologia ta traha, unda y ki tempo por use ni tampoco bao di ki condicion, pa por lo menos 3 aña.

"Flor a sali a causa di e fosfaat den e superficie, nos no a mira esaki e ultimo aña," el a bisa mientras e tabata midi e graf. "E mamanan cu ta busca ta bisa cu flor chikito geel semper ta sali riba e tum-

banan y nan ta usa nan como guia."

Porco y ser humano ta relaciona di cerca, compartiendo alrededor di 98% di su DNA. Sinembargo pa e proyecto aki, e similaridadnan fisico tambe ta importante. Segun Merca, National Library of Medicine, porconan ta similar na ser humano den tamaño, distribucion di vet y e estructura y con grueso nan cuero ta.

Ciencia pa sirbi sociedad
Activa pa e desaparicion di 43 estudiante den 2014, Silvan y su coleganan a cuminsa reuni informacion tocante radar cu ta penetra vloer, resistividad electrico y imagen di satelite rond di mundo. Nan a studia

University of Tennessee su investigacion riba curpanan di ser humano dera na un "body farm." Nan a mira tecnicanan di graf usa na Balkan, Colombia y Ucrania.

"Kico ta e beneficio di ciencia of tecnologia si e no ta resolve problemanan?" el a declara.

Nan a siña aplicacionnan nobo di analisis di satelite, despues a cuminsa cu nan prome experimentonan ta dera porco y estudiante e substancianan cu criminalnan ta usa pa deshaci di e curpa. Nan a haya cu 'lime' facilmente detecta, sinembargo hidrocarbon, acido hidroclorico y cuero kima no.

Chavez su ekipo a traha pa combina ciencia cu loke nan sa tocante con e cartelnan ta opera. Por ehempel, nan a determina cu e desaparicionnan na Jalisco a sucede comunmente na e ruta di cartelnan entre wafnan Pacifico, fabricanan di droga y frontera cu Merca y cu mayoria di esnan desapareci ta haya den e mesun municipio unda nan a desaparece.



Atraco Team: Hoben di 20 aña deteni pa atraco arma

Diabierna mainta, Atraco Team a haci un detencion na un cas na Moko. Ta trata di e sospechoso J.W.B. naci na Aruba di 20 aña.

E detencion ta en conexion di un atraco cu a tuma lugar 22 juli 2025 den oranan di madrugada riba un muher di bida den Jan Steenstraat na San Nicolas, segun polis a informa den un comunicado di prensa.

Den e suceso dia 22 di juli, dos hende homber tabata den un auto, na unda un di

nan a baha bay paden den e camber di e muher di bida y a pone cuchiu na e muher su garganta y wak unda ta warda su placa y a bay cu esaki. Ta trata di e suma di Afl 375,-. Despues e sospechoso a bis'e pa bay cune pafor y yegando pafo, e sospechoso a core drenta den un auto y a huy.

Polis a wordo avisa como tambe Atraco Team. Na e sitio di e sucedido a tuma e denuncia y e investigacion a inicia mesora. Diabierna den oranan di mainta a detene e sospechoso

den un tempo record na su cas. No ta descarta cu lo tin mas detencion pa cu e caso aki.

Un tremendo trabao di Atraco Team y esaki ta manda un señal cla y raspa pa esun cu ta pensa di comete un atraco, cu Atraco Team no ta drumi y ta actua di biaha.

Cuerpo Policial Aruba ta haci un apelacion na pueblo cu es cu sa algo of a wak algo pa yama e tiplijn di polis cu ta 11141. Bo ta keda anonimo.



Chauffeur burachi deteni despues di a causa accidente cu basta daño riba Sasakiweg



Diadomingo anochi a drenta informe di un accidente basta fuerte riba Sasakiweg riba e caminda pa Oranjestad, mesora a

dirigi polis na e sitio.

Na yegada di e patruya a bin compronde cu aki ta trata di un accidente unda e chauff-

feur bao influencia di alcohol coriendo den un Cadillac s.u.v. a bay dal fuertemente tras di un Nissan Note perde control bay di patras riba un

palo di luz kibrando esaki. Polis a detene e chauffeur pa core auto bao influencia. Despues na warda di polis a yama ambulance pa e chauff-

feur cu tabata sinti malo cu presion halto. Ambulance a presenta na warda y atende na e sitio mes.

Polis a detene chauffeur burachi cu a baha caminda dal riba palo di luz

Diadomingo anochi a drenta informe di un accidente riba e caminda di Pavia pa Morgenster, mesora a dirigi un patruya na e sitio.

Na yegada di e patruya a bin compronde cu aki ta trata

di un accidente unda cu un chauffeur burachi a baha caminda y a bay dal riba e palo di luz. Afortunadamente ningun hende a resulta herida. Polis a detene e chauffeur pa core auto bao influencia y causa un accidente.



Polis, ambulance y bombero a bay Pavia pa un persona cu a cay den baño

Diadomingo mainta a drenta informe di cu un persona a cay den baño mientras cu e ta su so na cas cu portanan na lock na Pavia.

Mesora a dirigi tanto polis,

ambulance y bomberonan.

Na nan yegada a logra habri e porta y a drenta haya e victima benta abao den e baño y a atend'e dje transport'e pa hospital.



Presidente di Costa de Marfil lo busca un di 4 termino despues di cambia constitucion pa kita limite

(AP) - Costa de Marfil su presidente Alassane Ouattara a bisa biadmars cu e lo postula pa un di 4 termino como lider di e nacion, cual lo tin eleccion den october.

Su candidacia ta topico di discusion despues cu el a cambia e constitucion pa kita un limite na e termino presidencial.

E presidente di 83 na a declara su plan den un anuncio televisa. El a gana un tercer termino den 2020 despues cu inicialmente el a bisa e no lo postula atrobe. Sinembargo, el a cambia di posicion despues di e morto di su sucesor, Prome Minister Amadou Gon Coulibaly.

“Pa varios luna, mi a ricibi varios yamada for di ciudadanonan tocante me posible candidacia den e eleccion presidencial,” e presidente a declara.

Refiriendo na e pais a su nomber den Frances, el a



bisa: “Muhenan y hobennan di tur region di Côte d'Ivoire y varios otro bos anonimo for di nos barionan y pueblonan a acerca. “Den respuesta na e apelacionnan aki, mi a anuncia dia 22 di juni cu, como presidente di tur ciudadano, mi lo, despues di reflexion cauteloso, tuma e decision

guia solamente pa e miho interes di e nacion.”

Su rival mas prominente, Tidjane Thiam, ya caba a ser prohibi di participa pa un corte a base di acusacionnan cu te ainda e tabata un ciudadano Frances ora cu el a declara su candidacia, aunke

despues el a renuncia na su nacionalidad Frances. Ley di e pais ta prohibi nacionalnan di dos pais di postula pa presidente.

Eleccion na Costa de Marfil usualmente ta yen di tension y violencia. Ora cu Ouattara a anuncia su tercer termino,

varios persona a keda asesina den e violencia cu a surgi. Tin varios manifestacion den contra di e corte su decision di prohibi Thiam su participacion den e eleccion.

Ouattara ta e mas recien den un cantidad creciente di lider na West Africa cu ta keda den poder pa medio di cambia constitucion su limite na e termino.

Lidernan di golpe de estado den e region a usa supuesto corrupcion dentro di gobiernonan democratico y cambionan electoral como un pretexto pa wanta poder den nan man, cual a causa un split den e bloke regional ECOWAS.

“Pa esnan critico di ECOWAS y gobiernonan civil, Ouattara su decision ta reforsa con legitimo e crisis cu tur hende den e region ta enfrenta ta. E ta haci hende manera Ouattara muestra manera hipocrita,” Nat Powell, analista di Africa na Oxford Analytica a conta The Associated Press.

Trump ta bisa cu e ta corta e deadline di 50 dia pa Rusia caba cu e guerra na Ucrania

(AP) — Presidente di Merca Donald Trump a bisa dialuna cu e ta duna presidente Ruso Vladimir Putin 10 pa 12 dia pa stop e asesinato na Ucrania, cortando un deadline di 50 dia cu el a duna e lider Ruso dos siman pasa.

Rusia a lansa un baranca durante anochi di mas cu 300 drone, cuater misil crusero y tres misil balistico, forsa aereo Ucraino a bisa, mientras e bombardeo Ruso di ciudadnan Ucraino a sigui a pesar di e presion di Trump pa esaki termina. Esfuersonan di paz dirigi pa Merca tambe no a logra haya impulso.

Trump a bisa dia 14 di juli cu e lo implementa “tarifanan severo” riba Rusia a menos cu yega na un acuerdo di paz pa cuminsamento di september. Dialuna, Trump a bisa cu e lo duna Putin 10 pa 12 dia, loke ta nifica cu e kier pa esfuersonan di paz progresar pa 7-9 di augustus.

E plan ta inclui posibel sancionnan y tarifanan secundario cu ta dirigi riba e



partnernan comercial di Rusia. E anuncio formal lo bin mas laat dialuna of diamars, Trump a bisa.

“No tin motibo pa warda,” Trump a bisa di e liña di tempo mas cortico. “Nos djis no ta mira ningun progreso ta ser haci.”

Putin mester “cera un acuerdo. Demasiado hende ta muriendo,” Trump a bisa durante un bishita na Escocia. No tabatin contesta di parti di

Rusia. Trump a ripiti su critica riba Putin pa papia di caba cu e guerra pero sigui bombardia civilnan Ucraino.

“Y mi ta bisa, esey no ta e manera pa hacie,” Trump a bisa. El a agrega, “Mi ta desepcionna cu presidente Putin.”

Puntra den un conferencia di prensa tocante un posibel encuentro cu e lider ruso, Trump a bisa: “Mi no ta asina interesa pa papia mas.”

Ainda, el a expresa cierto resistencia tocante impone castigo riba Kremlin, bisando cu e ta stima e pueblo Ruso. “Mi no kier haci esey cu Rusia,” el a bisa, pero el a señala cuanto Ruso, hunto cu Ucrainonan, ta muriendo den guerra.

Ucrania a urgi paisnan occidental pa tuma un liña mas severo cu Putin. Andrii Yermak, e hefe di e oficina presidencial di Ucrania, a gradici Trump pa corta e deadline.

“Putin ta compronde solamente forsa — y esey a ser transmiti cla y na voz halto,” Yermak a bisa riba Telegram, agregando cu presidente di Ucrania Volodymyr Zelenskyy a comparti e sentimento.

Ultimo atakenan na Ucrania

Un drone Ruso a kibra bentananan di un edificio residencial di 25 piso den e distrito Darnytskyi di Kyiv, e hefe di e administracion militar di e ciudad, Tymur Tcachenco, a skirbi riba Telegram. Ocho persona a resulta herida, incluyendo un mucha muher

di 4 aña, el a bisa.

E atake tambe a cuminsa un candela na Kropyvnytskyi, den centro di Ucrania, oficialmente local a bisa, pero no a raporta heridonan.

E obhetivo principal di e atake Ruso tabata Starocostiantyniv, den e region di Khmelnytskyi den west di Ucrania, e forsa aereo a bisa. Autoridadnan regional no a informa di ningun daño of victima.

Ucrania Occidental ta na e otro banda di e pais for di e liña di frente, y ta kere cu e eheerito Ucraino tin aeroportonan significante y tambe arsenalnan y depositonan eyan.

E Ministerio di Defensa Ruso a bisa cu su forsanan a realiza un atake di anochi cu armanan di largo alcance, lansa den aire, y a dal un base aereo di Ucrania hunto cu un deposito di municion cu ta contene stocknan di misil y componentenan pa produccion di drone.

Ruman muher di Kim Jong Un rechasa contacto di presidente nobo di Corea di Sur

(AP) — Ruman influyente di lider di Corea di Norte, Kim Jong Un, a rechasa e contacto di e gobierno liberal nobo di Corea di Sur, bisando diamars cu su “confianza ciego” den alianza cu Merca y su hostilidad contra Corea di Norte ta haci cu e gobierno nobo no ta diferente di su antecesor conservador.

E comentario di Kim Yo Jong ta indica cu Corea di Norte — cu ta concentra actualmente riba su cooperacion creciente cu Rusia — no ta mira ningun necesidad pa bolbe entabla diplomacia cu Corea di Sur y Merca den futuro cercano. Expertonan ta bisa cu su meta ta pa probablemente crea division entre



Seoul y Washington.

“Nos ta cla den ripiti cu no

importa kico politica Corea di Sur ta proponiendo ni ki tipo di oferta ta ser presenta,

nos no tin ningun interes den dje y no tin ni un motibo pa encontra ni un tema pa discuti,” Kim Yo Jong a bisa den un declaracion publica pa medio estatal.

Esey ta e prome declaracion oficial di Corea di Norte tocante e gobierno di presidente Lee Jae Myung di Corea di Sur, ken a tuma cargo na comienso di juni cu un promesa pa purba repara e relacionnan gravemente dañá cu Corea di Norte.

Gobierno di Lee a para e emision via speaker cu anti-Pyongyang, a tuma pasonan pa prohibi activistanan manda globonan cu pamfletanan di propaganda riba frontera, y tambe a repatria algun ciudadanonan Norte Coreano cu a drif bay pazuid den boto di palo durante lunanan anterior.

Corea di Norte ta keha di maniobranan militar Corea di Sur-Merca

Corea di Norte no a participa den ningun tipo di dialogo cu Corea di Sur ni cu Merca desde cu e diplomacia nuclear entre Kim Jong Un y presidente Donald Trump a fracasa na 2019, pa motibo di un desacuerdo riba sancionnan internacional. Desde e tempo ey, Corea di Norte a enfoca riba desaroya arma nuclear mas potente pa menasa su rivalnan, y a proclama un sistema hostil di “dos pais” riba e Peninsula Coreano pa termina relacionnan cu Corea di Sur.

Kim Yo Jong a yama e pasonan di Lee “esfuersonan sincero” pa mehora relacionnan, pero el a agrega cu e gobierno nobo ainda tin complot pa “sigui ta den confrontacion” cu Corea di Norte. El a referi

na e maniobranan militar durante temporada di verano entre Corea di Sur y Merca, cu Corea di Norte ta considera como ensayo pa invasion.

Lee y su minister ta considera modificacionnan pa atrae Corea di Norte back den dialogo

Lee a bisa cu ta importante pa restaura confiansa entre e dos Coreanan mientras cu el a reuni cu minister di Unificacion Chung Dong-young y a pidi su opinion tocante e ultimo declaracion di Corea di Norte. Chung — e oficial Sur Coreano halto tocante asuntonan di Corea di Norte — a bisa despues cu e tin plan pa propone cu Corea di Sur y Merca mester “modifica” nan maniobranan militar.

E palabra di Chung, cu por ta referiedno na reduccion di e entrenamiento Corea di Sur-Merca como un metodo pa trata atrae Corea di Norte back na mesa di dialogo, probablemente lo provoca critica fuerte for di conservadornan, cu ta defende e idea di amplia entrenamiento militar pa enfrente e programa nuclear cu ta avansando constantemente den Corea di Norte.

Moon Seong Mook, analista pa Korea Research Institute for National Strategy, na Seoul, a bisa cu e declaracion di Kim Yo Jong ta muera cu Corea di Norte ta wardando pa Corea di Sur bandona su alianza cu Merca.

Moon tambe a bisa cu Kim probablemente no ta mira ningun beneficio real den dialogo cu Corea di Sur, pasobra mientras cu sancionnan internacional ta vigente, Corea di Sur no por relansa e proyectonan economico cu antes a beneficia Corea di Norte.



Resultado Sorteo Juli 29			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
1613	4923	9040	3648
5050	1479	SUPER5	8832
3081	7339	-	1258

MERDIA	ANOCHI		
			
Sorteo # 4695	Sorteo # 8608	Sorteo #	Joker Letter
6544	5979	0 x Jackpot	Proximo Jackpot
8477	6952	0 x Match 4+	300.000,-
2978	9230	0 x Match 4	
		0 x Afl. 12,00	
FP	X2		
			05-17-25-26-28
Sorteo # 4695	Sorteo # 7652	Sorteo # 6901	Proximo Jackpot
1267	4947	0 x Jackpot	62.000,-
		3 x Match 4	
X3	X2	174 x Afl 8,00	
			
Sorteo # 2751	Sorteo # 2357		02-09-13-23
7625	7937	Sorteo # 1788	Mega Ball 14
		0 x Jackpot	Proximo Jackpot
Sorteo # 4695	Sorteo # 6411	0 x match 4	310.000,-
4815	4169	9 x Afl. 500,00	
Cancer	Sagitario	61 x Afl 50,00	
		84 x Afl.15,00	
			Afl. 460.000,-
Sorteo # 1569	Sorteo # 1341		
153	256	Sorteo #	Sorteo # 216
			286578
X3	X2		#VALUE!
			



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14

Tel. 297-582-2219

Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm **24 ora**

Botica na warda

Oranjestad: **San Nicolas:**
Paradera : Centro Medico:
Tel. 588 6638 Tel. 584 5794

EMERGENCIA 911

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

Servicio di Taxi

**Aruba Transfer Tour &
Taxi C.A.**

Tel: 582 2116 / 582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850

Tel: 280-2828

Whatsapp: 592-7024

Parehanan di exterior ta core bay Dinamarca pa casa *Copenhagen kier warda espacio pa localnan*

(AP) - Enfrentando burocracia complejo na cas na Polonia, Magdalena Kujawska y su prometido Colombiano Heinner Valenzuela a biaha bay Copenhagen pa nan casa.

“Nos a ripara cu no ta facil pa casa na Polonia,” Kujawska di 30 aña a conta mientras e pareha tabata warda pa nan ceremonia di 10 minuut na e capital Danes su Censo.

“Bo mester un certificado cu bo no ta casa,” el a conta. “Nos a purba busca un na Colombia, pero esaki ta solamente valido pa 3 luna, y no por a haci esaki yega Polonia for di Colombia den 3 luna. E tabata imposible pa nos.”

E pareha, ken ta biba na Krakow, e tabata comprometi mas di 3 ana ora cu Kujawska a tende tocante Dinamarca su leynan di matrimonio relativamente relaha for di un colega. Traha cu un organisador di bruid online, e pareha a prepara e documentonan necesario.

“Y den 4 dia, e tabatin e decision pa e matrimonio por a ser haci aki,” Kujawska a comenta.

Copenhagen ta atrae pareha for di rond mundo

Parehanan cu no ta biba na Dinamarca, ambos mescla y di mesun sexo, ta casando na e pais Scandinavio - causando cu algun ta yama Copenhagen e “Las Vegas di Europa.”

E hefe di e oficina di matrimonio na Copenhagen su Censo, Anita Okkels Birk Thomsen, a bisa cu alrededor di 8,000 ceremonia di bruid a ser haci aña pasa. Di esnan aki, alrededor di 5,400 di nan



ta pareha den cual ningun di e dos ta un residente Danes.

“E ta casi dobel di loke nos a mira 5 aña pasa,” el a bisa. “Nan a bini for di rond di mundo.”

E ciudad kier garantisa cu tin espacio pa localnan

Sinembargo e ciudad ta mira un banda negativo na esaki: E exigencia pa ceremonia na Censo awo ta surpasa e cantidad di espacio disponible.

Mia Nyegaard, e oficial di Copenhagen encarga di cultura, a bisa den un declaracion na The Associated Press cu e “aumento significativo” den e cantidad di pareha den exterior cu ta casa den e capital “ta posee desafio pa parehanan basa na Copenhagen cu kier casa.”

Autoridadnan local tin plan

di tuma accion. Nyegaard a bisa cu alrededor di 40% di e espacio disponible pa bruid na Censo lo keda reserva pa residentenan di Copenhagen cuminsando for di fin di october. Mientras cu reserva un espacio ta e manera mas obvio di casa na e pais, aregla un ceremonia cu un registrador priva tambe ta un opcion, y no lo keda afecta.

Legisladornan di Copenhagen tambe lo investiga despues di zomer na ki otro por haci pa alivia e presion riba capacidad di bruid na e ciudad.

Leynan liberal

Dinamarca su leynan di matrimonio ta liberal den varios manera. Den 1989, e pais a bira e prome na mundo den permiti registracion pa unionnan civil di mesun sexo. E legalisacion di e matrimonio di mesun sexo bini despues den 2012.

Pa union di tur tipo, Dinamarca - na diferencia di otro paisnan Europeo - no ta rekeri un certificado di nacemento ni tampoco prueba di estado di soltero pa obtene un certificado cu ta otorga e derecho di casa na Dinamarca dentro di 4 luna. Oficialnan por, sinembargo, den casonan unda e documentonan di divorcio no ta demostra claramente cu a finalisa e divorcio, pidi un certificado cu ta comproba e status di soltero/a.




Aurora

Royal Pray

Funeral Home & Crematory

Psalm 23:
The LORD is my shepherd; I shall not want.
He makes me lie down in green pastures; He leads me beside quiet waters.
He restores my soul; He guides me in the paths of righteousness for the sake of His name.
Even though I walk through the valley of the shadow of death, I will fear no evil, for You are with me; Your rod and Your staff, they comfort me.



Cu profundo tristeza, nos ta anuncia fayecimento di

Francis A. Franca

Mihor conoci como: "Teng, Tanch, Boss"
*13-09-1947 †22-07-2025

Yiu di: †Francis (Frankie) Franca & Josefa Franca - Henriquez

Na number di su:

Yiunan:

Jeremy & Suyin
Iza & Zoë
Jerianne
Marc
Chris & Xavier
Xara & Fynn

Manera Yui: Jady-Ann Kelly

Mama di su yiunan: Shirley Geerman

Ruman nan:

Michael Dos Ramos
Victor† y Zelda Franca - Solognier
Dora Franca y famia
Gerald Franca y Mireille Lacle
Marcia Tromp- Franca y Thomas Tromp
Charlene Malmberg- Franca y Maurits Malmberg
Irwin Franca y Sandra Franca- Montoya
†Anthony (Tony) Franca y famia
Elizabeth (Liz) Franca y famia
Lilian Martis-Franca y Mito Martis

Primo/Ruman: Jessica Molina-Vrolijk, Gregory Vrolijk, Jeffrey Vrolijk,

Tanta nan y Omo:

† Leandro (Dedechi) Henriquez
† Eda Vrolijk- Henriquez
Maria Henriquez

Sobrino / Sobrina nan cu nan respectivo famia:

Masana, Candice, Ferdinand, Francine, Franluvic, Selvic, Stacey, Tatiana, Janine, Ryan, Bryan, Jerrelly, Ulrich, Ulrika, Uleike, Maurits Jr., Maurelyn, † Marvin, Irwin Junior, Sean, Nicole, Nicolette, Mikeco, Josefa (Josy)& Justin.

Tur su sobre subrino nan cu nan respectivo famia nan.

Primo/Primanan cu nan respectivo famia nan:

Leandro Henriquez, Evelyn Tromp-Henriquez, Lita Landa-Henriquez, Ilse Pedro-Henriquez, †Cynthia Henriquez, Gilbert Christian, Gerald Christian.

Tur su ihadonan:

Ulrich Tromp, Ferdinand Franca, Selvic Franca & Julio Wever

Manera Ruman:

Elaine Geerman
Jacqueline Geeman
Astrid Rincones

Cu hopi agradecimento na su bisiaña stimá: Sra Libia Ruiz

Demas famia: Franca, Henriquez, Croes, Geerman, Vos, Schoop, Hurtado, Dos Ramos, Solognier, Lacle, Tromp, Malmberg, Montoya, Martis, Vrolijk, Croes, Habibe, Arends, Eman, Molina, Christian, Kelly, Hessels, Leest, Landa, Maduro, Da Silva, Bradshaw, Dennert, Nieuwkerk, Flores, Amaya, Wolter, Marin, De Freitas, Carner, Reed, Carew, Miljkovic, Miguez , Clark, Christian y demas famia nan na Canada, USA, Inglatera, Jamaica & Trinidad

Tur su amigo/a nan di Djiespie's Place & Bright Bakery
Su Team Stimá RCA pa BIDA
Si den nos tristeza nos por a lubida algun famia, amigo of ser keri, nos sincero disculpa.

Nos ta lamenta cu despues di entierro, nos no ta ricibi bishita na cas.
Condolencia lo tuma lugar diahuebs 31 di Juli 2025 di 7:00 pm pa 9:00 pm na Aurora Funeral Home
Acto di entierro lo tuma lugar Diabierna 01 di Augustus 2025 di 2pm pa 4 pm na Misa Pro Catedral San Francisco di Asis y despues lo sali bai pa santana catolico na Playa .

Aurora

Royal Pray

Funeral Home & Crematory

Ki alegria, ora nan a bisa mi:
"Ban cas di Señor!"
I awor, ata mi aki para na bo porta Señor.
Salmo 122



Sra. vda. Beatrix M. Wolff-Leest

Cariñosamente yama "Mamai"
*31-07-1946 - †27-07-2025

Na number di su:

Esposo: †Maximo Wolff

Yiunan:

Humphrey y Gloria Wolff-Rombley
Johnny Wolff (Hulanda)
Joselyne y Christiaan Matthews-Wolff y famia
Gilbert (Marlon) Wolff y famia
Mescos cu yiu: Marijke Leest y famia

Rumannan:

Simplicia y †Augustin Gomez-Leest y famia
Joannes (Jani) y Terry Leest y famia
Hose (Josy) y Thea Leest-Wolff y famia
Jacinta y †Persey Leest-Putto y famia na Hulanda
Andres (Dede) y Gonny Leest-Terink y famia
†Tito Leest

Nieto y nietanan:

Christiaan
Christopher y Alies
Gilvienne y Mikael

Sua y cuñanan:

†Guillermo y †Margo Wolff y famia
†Berta Wolff y famia
Anki Sothwes
Sita Wolff
Benny Wolff y famia
†Lucilla Coussens-Wolff
Frans Wolff y famia
Filomena y Bito Ruiz-Wolff y famia
Gerrit y Julia Wolff-Werleman y famia
Jane y †Luis Aponte-Wolff
Thea y Jossy Leest-Wolff y famia
Martina y Hans Vis-Wolff
Wilfrido Wolff

Tanta: Johana Peasch y famia

Primo y primanan, Sobrino y sobrinanan
Bon bisinanan: Petrocchi, Mathilda, Jacobs, Martina, Tromp, Brokke, de Cuba, Holsman, Petronilia, Marchena, de Lange,
Bon amiganan di cas: Jacky Jacobs, Nirva Mathilda

Ayudantenan di cas:

Dra. Jeraldine Violenes
Edith Rubio
Tur su amigonan di Bubali Sport Club.

Demas famia: Leest, Wolff, Rombley, Matthews, Quandus, Gomez, Terink, Putto, Figaroa, Peasch, Tromp, Abrahamsz, Geerman, Kock, Ruiz, Fingal, Ridderstaat, Violenes, Rubio, Kempe, Oude Nyhuis

Ta invita pa acto di entierro cual lo tuma lugar diabierna 1 di augustus 2025 na Misa Santa Anna na Noord di 9or pa 11or di mainta. Despues lo sali pa Santana Catolico na Noord.

Nos disculpa pero despues di entierro nos no por ricibi bishita di condolencia na cas.

Disculpa nos si den nos tristesa nos por a lubida algun famia of conocir.

Aurora

Royal Pray

Funeral Home & Crematory

Na porta di su cas Dios Tata ta sperle
Su brazanan hanchu habri,
ansioso pa bracele
Y calma tur su dolor y sufrimento



Edwin Juan Francisco Toppenberg

Mihor conoci como: "Eddy of Tatai"
*10-01-1932 - †28-07-2025

Na number di su:

Esposa: †Maria Luisa Toppenberg-Franken

Yiunan:

Glenda y Ricardo Rosaria-Toppenberg
Herbert (Tom) y Sita Toppenberg-Rosel
Ricardo Toppenberg y Griselda Croes

Nieto(a)nan:

Kenneth Rosaria
Shuliska Rosaria y Curt Harms
Minouska y Johnny Falconi
Herbert Toppenberg Jr, y Daisy Kock

Bisanieto(a)nan:

Mitchel Lacle na Hulanda
Aiden y Kyle Rosaria
Johnmir, Jondrick y Mi-John Falconi
Jayden, Stefan y Jaybert Toppenberg

Swa y cuñanan:

†Olga Franken y famia
†Angelica y †Ruben Trapenberg-Franken y famia
†Diana y †Cecilio Franken-Franken y famia
Vera Franken y famia
†Hipolito Franken y famia
†Francisco Franken y famia
Margo Franken y famia
Anniey †Chemmy Kock-Franken
Martin y Detta Franken-Quandus y famia na Hulanda
Salvador y Martina Franken-Bikker y famia

Tur su sobrino y sobrinanan y demas famia:

Toppenberg, Franken, Rosaria, Lacle, Rosel, Croes ta invita pa e **acto di entierro** cu lo tuma lugar diabierna 1 di augustus 2025.
E restonan di Eddy lo ta den misa Santa Anna for di 2:00 pa 4:00 pm y despues lo sali pa Santana catolico na Noord.

Despues di entierro no ta ricibi bishita di condolencia na cas.

Aurora

Royal Pray

Funeral Home & Crematory



*"Señor ta mi wardador, mi'n tin falta di nada.
Den cunucu di yerba berde e ta ponemi sosega.
E ta hibami na awa trankil, pa mi bolbe haña forsa".
Salmo: 23*

Nos ta anuncia fayecimento di:

Venancio de Kort

Mihor conoci como: "Bobby"
*01-04-1947 - †27-07-2025

Acto di despedida lo wordo anuncia despues

Aurora

Royal Pray

Funeral Home & Crematory

*Señor ta mi wardado, mi'n tin falta di nada
Den cunucu di yerba berde e ta pone mi sosega
E ta hiba mi na awa trankil
Pa mi bolbe haja forsa
Salmo:23*



Cu inmenso dolor y tristeza nos ta anuncia cu despues di un lucha largo a bai sosega den brasa di señor nos yiu, ruman y omo stima

Joël Ragino Kelly
*23 december 1981 - †26 juli 2025

Na number di su:

Mayornan:

Regina (Ina) Kelly Kock
Rafaël (Feli) Kelly

Ruman:

Mayerline (Joanne) Schlipken Croes Kelly y Jorge Schlipken Croes

Sobrinonan stima: Jorzinho Schlipken Croes, Jo-Xyane Schlipken Croes

Tanta y omonan:

Edna y †Frank Jeandor y famia
Franklin y Bea Kock Kelly y famia
Nicolaas Kock y famia
Marcia Kock y famia
†Mildred Kock y famia
†Cornelis Kock
Mario y Soledad Lizarazo Kelly
Adelinda y Fouad Ibrahim Kelly y famia
†Aida Kelly y famia
†Angelica Falconi Kelly

Primo y primanan

Narciso Kock y famia, Judella Jeandor, Gilbert Kock y famia, Elvis Kock y famia, Nicolas Kock, Leonardo Geerman y famia, Faryselle Kock y famia, Zulienne Kock y famia, Sharyselle Kock, Hiram Zievinger y famia, Maikel Kelly, Gwendolyn (Wendy) Kelly y famia, Sigfrid Kelly, Emiliano (Juni) Kelly, Enrique Kelly, Sharin Kelly, Loyda Kelly y famia.

Padrino: †Rolando Bernadina y famia

Madrina: Edeline de Cuba y famia

Demas famia: Kelly, Kock, Schlipken Croes, Jeandor, Ibrahim, Zievinger, Tromp, Geerman, de Cuba, Croes, de Mey, Loeftop, Vrolijk, Jansen, Solognier, Lumenier, Maduro, Pieters, Ellis, Dijkhoff, Angela y Petronia.

Nos disculpa si nos por a lubida un of otro famia den nos tristeza.

Un danki special na:

Wondenpoli, Buurtzorg, Faith & Hope Medical Transport, Trinity, personal di Botica Dakota, verpleegkundigen di piso 3 (B tower) y piso 4 (A tower), artsen, specialisten, sociale werkster di Dr. Horacio Oduber Hospital y tambe di cuido special, personal di HOED Piedra Plat, Ambulance, Brandweer y barbero Stalin Gil.

Condolencia y acto di despedida lo tuma lugar diasabra 2 augustus 2025 di 9 am pa 11 am na Aurora Funeral Home y despues lo sali pa Santana na Sabana Basora.

Nos ta lamenta cu despues di entierro lo no por ricibi bishita di condolencia na cas.

Aurora

Royal Pray

Funeral Home & Crematory

Cu dolor na nos curazon pero conforme Dios su boluntad nos ta anuncia fayecimento di nos esposa, mama, ruman, tanta y wela:

Norma Magdalena Fabus Maria

Mihor conoci como "Noi" of "Nora"

22/07/1951 – /07/2025



Su **Mayornan Stima:** Mario & Nicolina Maria Eleonora

Su **Esposo Stima:** Cristobal "Chicho" Sixto Fabus

Su **Unico yiu Stima:** Amanda Fabus

Su **Nietonan Stima:**

Diancè Lampe
Owyn Tachi
Eden Tachi

Tata di su nietonan Stima:

Patrick Lampe
Roswin Tachi

Manera un **yiù Stima:** Victorino Maria

Manera su **Nietanan Stima:**

Dayana Gomez y yiu
Sharloth Gomez
Diana Gonzales

Rumannan:

Pedro Maria y famia
Luis Maria y famia
Laura Maria
Roberto Maria y famia
Patricio Maria y famia
Lidwina Maria y yiu
Erselin Kappers-Maria y famia
Frida Silie y famia
Juan Maria y famia
Oscar Maria y famia
Melfrida Maria y famia
Wilma Adelaida
Imelda Brondenstein y famia

Ihanan:

Flavinia Servaas Odor, Jerril van Varsseveld, Endrely Kock, Schurandy Maria, Reynaldo Maria, Francis Kock, Aishel Geertruida

Komer y Kompernan:

Gerardo de Veer, Annemarie Schrameijer, Cristina Ras, Wilma Nowels, Toi Kock, Fransico y Livia Kock, Ruth Andrews, Lucia Ogenio

Tur subrino y subrinanan, primo y primanan, swa y cuñanan.

Su bon amistades nan y bisinanan:

Denisia Giel Tromp, Eric & Cornelia Martis Bernabela, Gregory y Luthgarda Zievinger Martis, Graciela Villadiego, Jose Gonzales, Mary Quintero, Lal y Hira Soebedar, Miriam Idarraga, Ditty Hoek, Roosje Martha, Norma Mota, Regina Luydens, Gianna Koolman

Famia: Fabus, Maria, Lampe, Tachi, Kappers, Andrews, Silie, Brondenstein, Adelaida, Williams, Geertruida, van Varsseveld, Sylvania, Concepcion, Martina, Richardson, Piar, Ortiz, Goeloe, Boekhoudt, Odor, Ras, Giel, Tromp, Kock, Martis, Villadiego, Gonzales, Quintero, Nowels, de Veer, Schrameijer, Luydens, Mota, Hamlet, Malmberg, Navas, Ridderstap, Phillips, Van der Biezen, Falconi, Conradus, Koolman, Croes.

Ta invita tur famia, amiga y amigonan, bisina y conocirnan pa asisti na e **acto di entierro** cual lo tuma lugar diabierna 1 di augustus 2025 na Misa Pro Catedral San Francisco na Playa di 9'or pa 11'or di mainta, despues lo sali pa santana Catolico na Paradera. **Condolencia** lo tuma lugar na Royal Funeral Home diahuebs 31 di juli di 7'or pa 9'or di anochi

Nos disculpa si den nos tristesa nos por a lubida di menciona algun familiar.

Aurora

Royal Pray

Funeral Home & Crematory

*"Señor ta mi wardador, mi'n tin falta di nada.
Den cunucu di yerba berde e ta ponemi sosega.
E ta hibami na awa trankil,
pa mi bolbe haña forsa".
Salmo: 23*

Nos ta anuncia fayecimento di:



Thomas P. Tromp

Acto di despedida lo wordo anuncia despues

Aurora

Royal Pray

Funeral Home & Crematory

*"Dios ta amor... y amor ta Dios, maske mi no ta na e mundo aki, tur dia lo mi ta banda di boso
Curazon, mi por stens di loke Señor ta hasi"
Salmo 33*



Sr. Victor M. Giel

Mihor conoci como "Toy"
*14-05-1941 – 24-07-2025

Acto di entierro lo wordo anuncia despues

Aurora

Royal Pray

Funeral Home & Crematory

*"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23*



Cu dolor na nos curason, nos ta participa fayecimento di nos ser stima:

Miriam Francisca Simmons

Cariñosamente yama "Sunchi"
*08-06-1968 - †25-07-2025

Acto di entierro lo wordo anuncia despues.

Aurora

Royal Pray
Funeral Home & Crematory

"I did it my way" Frank Sinatra

A Fayece na bunita edad di 89 aña:

Albert Leopold Henriquez
Mihor conoci como: "Cachi"
*19-07-1936
†25-07-2025



Na number di su:

Casa: †Ingrid Helena Henriquez-Mulder

Sobrino/Sobrina

Ellsworth Henriquez,
Laurence & Allison
FJC Ricky & Rosanna Beaujon-van Dijk,
Zachary
Suzette & Robertico (Tico) Croes-Beaujon,
Deaxo & Kyle
Leo Mulder & Famia

Amigo Fiel: Harold & Martha de Miranda

Mens Tennis Club

Bon Bisiña Esther Offringa-Williams

Un danki di curazon na Cachi su cuidadornan na Betesda Home Care y tambe Dr. Cayama.

Famia y conocirnan:

Henriquez, Mulder, Beaujon, van Dijk, Croes, Barbour, de Veer, Koompan, Wynn, Sint, Merryweather, van Romondt, Hollander, Kelly, Ferrol, de Miranda.

Nos disculpa si nos a lubida algun famia y amigonan. Ta disculpa nos pa no por ricibi bishita di condolencia na cas.

Acto di despedida lo tuma lugar diaranson 30 di Juli 2025 di 2pm pa 4 pm na Aurora Funeral Home. Cremashion lo tuma lugar den seno familiar.

Aurora

Royal Pray
Funeral Home & Crematory

"Dios ta amor... y amor ta Dios, maske mi no ta na e mundo aki, tur dia lo mi ta banda di boso curason, mi por steun di loke Señor ta haci"
Salmo 33

Cu dolor na nos curason, nos ta participa fayecimento inespera di nos ser stima:

Sr. Walter M. Van der Biezen
*28-02-1964 - †21-07-2025

Acto di entierro lo wordo anuncia despues



Manifestacionnan contra e guerra ta protesta contra e yegada di un crucero Israeli na Crete



(AP) - Manifestantenan haciendo yamado pa un fin na e guerra na Gaza a protesta e yegada di un crucero ISraeli na otro isla Griego diamars - e tercer di e manifestacion di su tipo riba islanan Griego den e ultimo siman.

Manifestantenan riba e isla Griego di CReTe a subi un bandera di Palestina grandi na e waf di Agios Nikolaos y a grita "Libera, libera Palestina" mientras e turistanan abordo di e crucero Crown Iris a desembarca y bay riba bus pa nan tour di e isla, segun imagennan cu outletnan di rednan social a cuminsa com-

parti.

Polis a mantene e grupo di hende leu di e pier unda e crusero tabata para, mientras pelea tabata

surgi entre e manifestantenan y polis. Media local a reporta cu oficialnan a usa pepper spray pa mantene e hendenan leu.

4 persona a keda deteni, segun media local. Video a demostra polis ta bay cu un homber, su mannan mara na boei mientras e tabata grita "libera, libera Palestina."

Escenenan similar a surgi durante e dia anterior ora cu Crown Iris a yega waf di e isla Griego, Rhodes, unda choke a surgi entre polis y e manifestantenan cu a haci yamado pa un fin na e guerra na Gaza.

Aki tambe e pasaheronan a desembarca pa subi bus di e tour rond di e isla, y no a reporta ningun violencia.



Polis ta choca cu manifestantenan contra gobierno na Serbia a causa di expulsion di estudiante

(AP) - Manifestantenan ta choca cu polis diamars na un pueblo di Serbia despues cu a expulsa un grupo di estudiante for di un edificio di facultad unda nan tabatin luna ta campa como parti di manifestacion nacional contra e gobierno.

Centenares di manifestante na Novi Pazar a grita lema contra Serbia su presidente populista Aleksandar Vucic y a exige pa e studiantenan ser permiti regresa e edificio.

Manifestantenan a tira boter riba polis cu a responde cu baton y escudo. Polis a bisa den un declaracion cu nan tabata ataca y a actua cu restriccion mientras a preserva paz publico. Oficialnan despues a retira mientras e studiantenan tabata grita "victoria."

E studiantenan ta acusa cu hombernan no identifica cu a drenta e edificio di e universidad estatal entre 3 y 4or di mainta riba diamars, cu oficialnan di facultad, tabata miembro di un compania di seguridad priva na Kraljevo cerca. Videonan di e supuesto entrada a



keda publica riba rednan social.

Vocero parlamentario Ana Brnabic a bisa cu e intervencion a ser pidi pa e maneho di e facultad.

Tensionnan awo ta halto na Novi Pazar, e pueblo multi-etnico alrededor di 180 miya for di e capital, Belgrade. Tin un division entre Musulman di Bosnia, ken ta mayoria di e poblacion, y Serbionan cu ta surgi for di gueranan etnico den aña 1990 causa pa e kiebro di ex Yugoslavia.

Manifestacionnan lidera pa estudiante a surgi prome na Serbia despues di e collapse di un dak di concret na un stacion di trein renova cu a laga 16 persona morto den november. Varios a culpa e

tragedia riba supuesto corrupcion amplio den proyectonan den infraestructura lidera pa e estado.

Vucic a aumenta presion riba universidadnan pa tuma accion contra e manifestacionnan cu ta desafia su mando cada bes mas autoritario.

Mayoria facultad na Serbia a bolbe cuminsa cu les y examen den simannan recien pa evita un atras den e estudionan sinembargo manifestacionnan riba caya ta persisti, cu manifestantenan exigiendo eleccionnan parlamentario rapido.

Un reunion grandi di estudiante na Novi Pazar na April tabata mira como un paso importante den direccion di cera e division etnico na e pais.

Starmer ta bisa cu Reino Uni lo reconoce estado Palestino si Israel no acorda na alto al fuego y stop sufrimento den Gaza

(AP)—Reino Uni lo reconoce un estado Palestino den september si Israel no acorda na un alto al fuego den Gaza, ta permiti UN trece cuminda den e teritorio y tuma otro medidanan pa un paz den largo plaso, segun prome minister Keir Starmer a bisa diamars.

Starmer, ken ta bao presion domestico creciente tocante e asunto aki mientras escena di hamber den Gaza ta horrorisa hopi ciudadano Britanico, a convene un reunion di gabinete pa discuti e situacion ey-nan. Esaki a bin despues cu el a discuti e crisis cu presidente Mericano Donald Trump durante un reunion den Escocia dialuna.

Trump a conta reporteronan dialuna cu e no ta importa cu Starmer “ta tumando un posicion” riba estado di Palestina. Durante su biahe back pa Merca diamars, Trump a bisa cu e dos nunca a discuti Reino Uni posiblemente reconociendo un estado Palestino. “Nos no tin opinion riba esey,” Trump a bisa

Israel ta rechasa anuncio
Starmer a bisa cu Britania lo reconoce un estado di Palestino dilanti e Asamblea General di e Organizacion di Nacionnan Uni (UN), “si e gobierno Israeli no tuma medidanan substancial pa caba cu e situacion perturbante den Gaza, acorda na un alto al fuego y compromete na un paz sostenible y duradero, rebibando e prospecto di un solucion di dos estado.

“Y esaki ta inclui permiti UN cuminsa suministro atrobe di ayudo, y haciendo e cla cu no lo tin anexacion den e West Bank,” el a bisa.



Ta parece hopi improbable cu e gobierno di prome minister Israeli Netanyahu por cumpli cu e condicionnan, cual ta trece daño na e asuntonan mas intratable den e conflicto. Netanyahu ta rechasa e solucion di dos estado riba base nacionalistico y di seguridad.

E ministerio di Asunto Exterior di Israel a bisa cu e ta rechasa e declaracion Britanico. “E cambio den e posicion di gobierno Britanico na e momento aki, despues di e decision Frances y presion politico interno, ta constitui e premio pa Hamas y ta trece daño na esfuersonan pa logra yega na un alto al fuego den Gaza y un framework pa e liberacion di rehen,” e ministerio a bisa riba X.

Starmer tambe a ripiti Reino Uni su demandanan pa Hamas libera tur rehen cu e tin deteni ainda, acorda na un alto al fuego, desarma y “acepta cu nan no lo hunga un rol den un gobierno di Gaza.”

Starmer a bisa den un declaracion televisa cu su gobierno lo evalua den september “con leu e partidonan a cumpli cu e stapnan aki” prome cu tuma un decision final riba reconocimiento.

Britania a sostene pa hopi tempo e idea di un estado independiente Palestino existiendo hunto cu Israel, pero a bisa cu reconocimiento mester ta parti di un solucion negocia di dos estado na e conflicto.

Pero Starmer a bisa cu Britania tabata dispuesto pa tuma stapnan pasobra “e idea di un solucion di dos estado ta reduciendo y ta sinti mas leu awe compara cu algun aña pasa.” El a bisa cu a pesar di e set di condicion cu el a pone, Britania ta kere cu “derecho di estado ta un derecho absoluto di e pueblo Palestino.”

Presion creciente riba Israel
Presion pa reconoce formal-

mente un estado Palestino a aumenta desde cu presidente Frances Emmanuel Macron a anuncia cu su pais lo bira e prome poder Occidental grandi pa reconoce un estado Palestino den september.

Manera Francia, e reconocimiento di Britania lo ta mayormente simbolico, pero ta parti di un cambio Europeo y global contra Israel y por aumenta presion diplomatico pa un fin na e conflicto.

Mas cu 140 pais ta reconoce un estado Palestino, incluyendo decenas den Europa. Macron su anuncio siman pasa a haci Francia e prome pais den e bloc di G7—y esun mas grandi den Europa—pa tuma e stap ey.

Europa su actitud pa Israel a amarga pa via di Gaza. Paisnan incluyendo Irlanda, Spaña y Hulanda a busca pa pone presion riba Israel pa laga mas ayudo drenta y para cu operacionnan militar.

Mas cu 250 di e 650 legislador-nan den e House of Commons a firma un carta urgiendo e gobierno Britanico pa reconoce un estado Palestino. Britania tin un rol particularmente historico como cu e ex-poder gobernante di loke tabata den pasado Palestina y autor di e Declaracion Balfour na 1917, cual a sostene e establecimiento di un estado Hudiu.

Secretario di Asunto Exterior David Lammy a bisa cu Britania tin “un responsabilidad special.”

Nos apoyo pa Israel, su derecho pa existi, y e seguridad di su pueblo, ta firme,” Lammy a conta durante un reunion na UN na New York. “Sinembargo, e Declaracion Balfour a bin cu un promesa solemno cu nada por pasa, nada cu lo por perhudica e derechonan civil y religioso di e pueblo Palestino tambe. Y coleganan, esaki no a ser manteni, y e ta un inhumilia historico cual ta sigui tuma luga,”

Francia ta contento cu Britania su anuncio. “Reino Uni ta uniendo e momentum crea pa Francia pa e reconocimiento di e estado di Palestina,” minister di Asunto Exterior Frances Jean-Noel Barrot a publica riba X.

Omar Awadallah, asistente pa e minister di Asunto Exterior di e Autoridad Palestino, a acepta Starmer su anuncio y a bisa cu Reino Uni tin un responsabilidad historico pa reconoce un estado Palestino y lo ta “corrigiendo un inhumilia historico,” si e compromete na esaki den september. E Autoridad Palestino tin autonomia limite den algun parti di West Bank.

